


吳門補乘六



內閣文庫	九〇九	漢書
架冊號類	七八八	

內閣文庫		
番號	漢	9098
冊數	8 ( 5 )	
函號	202	19



吳門補乘卷六

吳縣錢思元宗上輯

男士錡校

淺草文庫

藝術補

六朝褚洵吳郡人工書張率撰婦人事百卷使洵及范懷約等繕寫

以給後宮梁書。范見府志

顧士端吳郡人出身湘東國侍郎後為鎮南府刑獄參軍有子曰庭

西朝中書舍人父子並有琴書之藝尤妙丹青常被元帝所使每

懷羞恨顧氏家訓雜藝篇

唐陸曾楷隸行草分篆飛白臨諸家帖無不逼真

陸峴能精書學著名當時

二條陶宗儀書史會要。按唐宰相表曾為彥遠孫峴為景融曾孫潤州司戶參軍

吳門補乘 卷六 藝術補



○銜按唐書宰相表曾峴俱為漢吳令烈之後世居吳縣彥遠景融俱見志

顧誠奢吳人杜子美醉歌行所云君不見東吳顧文學是也東觀餘

論跋誠奢書呂肅公碑後云杜詩送顧八分文學謂誠奢也觀其

遺跡乃知子美不虛稱之碑首倒籀亦自奇古不獨八分可尚云

後梁釋無作字不用姓司馬氏姑蘇人善草隸筆跡道健人多摹寫

後梁開平中卒義淨西域求法高僧傳

元羅元字居仁平江人行楷有晉人風致

祖子靜平江人篆師二李二條陶宗儀書史會要

木瀆張思聰撫古帖自名鳳皇翻身元戚輔之佩楚軒客談

明錢進字景升見選吳縣人攻書法始授學吳太常既乃精思摹索

晉唐諸名帖嘗曰法者跡也巧者所以神妙也吾將心致其巧終

不至泥古法跡故其書成一家而士大夫珍之天順間有薦諸朝

者不報何景明大復集

吳弈字嗣業號茶香居士長洲人文定公寬從子亦韻士善書筆法

類文定姑蘇名賢小紀延陵族譜合纂

章文字簡甫以字行長洲人楷法絕類文待詔兼工鐫刻待詔所書

非簡甫刻石不快子藻字仲玉能習父業書法尤精王世貞弇州續彙。虎邱

白蓮池傍經幢金剛經文即藻所書絕類趙文敏閑邪公傳筆意

沈庭訓字子承長洲人為諸生有聲好為古文詞又喜為詩尤工書

法自晉唐以來名人墨刻手摹皆逼真或按其時世先後辨其真

履巧拙皆如目擊吳人士爭踏其門請求書冊卷軸充塞案几慨

然應之終日無倦容申時行賜閒堂集

湯如玉字白雪長洲人僑寓青州工真草篆隸尤善鈎臨法帖有肅

府石刻傳世山東通志

杜大綬字子迂長洲諸生有文名尤善書法馬嶽庵聞見畧

杜君澤號小癡姑蘇人工山水善楷書流寓高郵落魄不羈以酒卒

韓昂圖繪寶鑑續纂

國朝許棟字匡九甫里人孝奉孀母工書在顏柳之間以潤筆供母

甘旨為兩弟娶婦子鰲吳縣學生顧時鴻甫里志

林蕃鍾字煜奇一字蠡槎元和人乾隆三十三年舉人終婁縣教諭

其文善自修飾不染塵垢而尤喜晉唐碑帖日夕臨倣遂以書名

吳中從游者至百許人子衍潮衍源衍潮亦善書早卒

吳三錫字師中長洲人家業酷酷有臨池之嗜人有乞書者必求當意否則不憚屢易紙也同時元和韓敏字仲敏亦精於八法

以上書

唐嚴果楊德本中宗時人並吳人善雜畫歷代名畫記

宋單邦顯吳郡人學千里希遠畫林木山水不及惟花卉蜂蝶粗可

鬚髯吳中人物志

元東宗庚字章孟吳郡人善畫人物顧阿瑛玉山草堂雅集朱謀壘畫史會要合纂

明朱正字守中長洲人正德初以名醫徵字畫秀潤知者珍重之李東

陽懷麓  
堂集

受質甫吳縣人爲叔寶休承入室高足其盤礴處有出藍之美所恨

不能舍蹊徑而上之

王世貞續彙○案叔寶錢穀字休承文嘉字

金文進字彥輝蘇州人有行義寫墨竹多喜作叢篠之類

明書畫史

謝時臣號樗仙吳人善山水得沈石田意而稍變焉筆勢縱橫設色

淺淡人物點綴極其瀟洒尤善于水江湖湖海種種皆妙

韓昂圖繪寶鑑

續纂○無聲詩史字思忠

顧謨字從振長洲人大石山人元慶第四子能丹青

王穉登兩航記

沈碩字宜謙長洲人善畫山水人物有吳鎮之風尤善白梅翎翅碩

寓南京學畫三年不下樓工於臨摹一女嫁楊伯海亦善寫生工

折枝花黃姬水題其杏花詩云燕飛脩閣簾櫳靜紈扇新題春思

長妙繪一經仙媛手海棠生艷復生香

圖繪寶鑑續纂參金陵瑣事

文伯仁字德承徵明兄子少爲諸生工詩畫始居洞庭山之韓村晚

年遷虎邱西麓終焉畫學徵明筆意茂密橫披大幅負出藍之聲

著有五峯集

雁門家乘續吳先賢讚無聲詩史合纂○按伯仁爲涑水教諭洪曾孫五峯集見府志藝文

朱生周官與張靈同時並攻毫素官畫人物無俗韻然過爾纖弱稍

不逮靈朱生樹石不減唐寅今官名猶在人間

王弇州謂官圖飲中八仙歌不惟衣

冠器飾古雅而醉鄉意態種種可念

朱生之跡寥寥無傳足可弔憫

王穉登丹青志

國朝周荃字靜香長洲人大兵南下荃首爲嚮道以功得官累遷

觀察使善山水花草各得大意小幅及冊頁筆趣尤敏妙動人

柳遇字仙期吳人工人物精密生動布置樹石欄廊點綴幽花細草以及玩物器皿色色佳妙亞於仇英同里徐玖字采若亦工人物

兩人凡臨摹古本逼真處亦可謂之翻身鳳皇也二條見張庚畫徵錄

釋睿字目存又號童心道人吳縣人工畫山水花草人物俱師法古

人南宗北宗兼善當路薦入京師主親王邸旋以疾告歸居九龍

塢禪室方外中淡於榮利者國朝別裁集

張畫字文始長洲人生而免缺善寫生花鳥入能品為王忘庵上足

又周禮字令邑吳縣人亦忘庵高弟寫生與張齊名

周蓼字方懷居桃花塢工於寫貌草草落筆形神無不逼真自周歿

後吳中此伎無名家矣

鈕漢蕃居西美巷畫宗仇英頗無匠氣弟子谷士桓谷士芳能傳其

業住穀市橋又顧景字元昭住皮市與鈕同時精元人山水亦工

架畫

以上畫

明劉倫字宗序長洲人府志附祖觀傳世瘍醫吳民有女跌傷其面久腫不

消宗序曰多骨瘡也法飲麻藥以刀剔出其骨得愈不然明年此

時逝其家以為浪語都維明亦曰劉亦效售術者耶已而瘡中骨

漸長竟至碍鼻晝夜呼號而卒稗史外編

朱紳字大章長洲人始祖清字景賢由宋南遷世業醫至紳十五世

矣紳出贅滕氏尤以瘍醫稱子孫能世其業吳中人物志

盛之楫字原濟蘇州人醫名甲天下俊爽不羣有豪士之氣

王穉登荆溪疏

國朝葉桂字天士號香巖居上津橋父陽生精醫術桂仰承家學不執成見治病往往有奇驗閭門一富家新娶媳患病如呆醫藥罔效桂診之亦不能辨徐訪其下人多言平日酷愛香始恍然曰是矣命於空屋中掘一小池貯糞其中覆板置簞鼻病者臥其上靜伺之半日始呼痛迨旦乃曰臭不可耐于是使其家徧索箱篋貯香悉去之移還床調治而愈曰此香閉也書無明文茵可辟香亦以意度耳一女子性嗜筍臥病經年如癱瘓桂投以白鳳仙根病若失其治痘尤入神隔牖而歟死生立判其孫痘媳請視之始揭帷卽嘻曰此死氣也不視而出媳不悅謂親其所踈而踈其所親

也痘卒不治其他類如此以故名滿天下凡白叟黃童無不知有葉天士先生也

有醫者操浙音至浦莊僦居張林廟治病有奇效就醫者踵相接也子家賃春人宿患腹痛診曰是非藥石所能療使臥榻上投以藥惛然如睡將刀劃開胸肉隨割雄雞血滴入有蜈蚣昂頭出急針去之以藥綫縫其口病若失又鹽倉巷沈龍若患癩症適在浦莊延之診曰痰在心包絡使病者袒胸坐一夫攀其肩含冷水噴之病者失驚急以長針當心針之尖出於背旁觀皆失色徐徐引針出曰黃昏當暴下果糞黑痰斗許神氣頓清是真得青囊之秘者惜不記其姓名時在康熙間

野長涇陳姓世傳仙授治鯁方一劑卽愈尹山某姓治獠狗咬方亦神效

以上醫

明僧南宗爲陳嗣初母卜葬地指一穴曰百日內卽貴矣陳未之信僧怒曰百日不入朝爲五品官者老僧誓絕此藝初俞侍郎入京陳爲送行文楊文貞一見稱賞薦於仁廟聘爲五經博士果不出

三月

明世說新語

有瞽僧住虎邱半塘寺善揣骨有胡琮年數歲家人攜往求揣僧云兒他日應得繫金帶好自愛後胡舉進士官至山西參政又石一貧爲人傭織以二子見僧揣之曰此爾財主骨也二子長果以貴

雄于鄉龔大者家頗裕生而豐肥腹臍黑痣有毫長數寸嘗言其一生福皆在此與人語好大笑異日在僧所方笑未已僧顧曰勿笑明年臍間毫落死矣龔惡其語不答後偶就浴摩掌間毫忽落又數日病死其巧中類如此時在正統間

稗史彙編

國朝何萬年字永錫長洲人父願良善言命多中萬年讀父書九精其學人來請者必以實告當秋闈榜將發萬年竊自計平生所決之必雋者日造其門參消息已而吉語聞則大喜狂叫壬子春余北行萬年曰此行必捷後果驗嘗曰吾于星家言窮日夜研尋每進一年而知曩年之誤卻後又安知今日言之非謬也又嘗語人吾決人科名亦只說得一半若不勤讀書安有俟命之理此與吾



儒立命之學有相合者節錄韓炎何生傳

以上術數

宋俞處士造筆精緻甲吳中俞頗能書理則然也餬口不餘見古碑

法書捐衣食求之不論價所蓄多善本陳造江湖長翁集

元張撥天皇慶間匠者圓妙觀有玉皇閣壞一角修治計千緡觀主

不克舉一日撥天來謂觀主曰不須拆動但換一小駝梁添一斗

棋而已即登其上易之條忽如舊一時以為神異吳中人物志

明盛大有吳下弈手第一遊毘陵有扶乩者仙至盛請對弈局未半

云我已負一子半爾弈誠高我將邀高手來乩即寂然盛乃率已

意填補已果勝一子半少頃又一仙來對弈局畢盛負一子半仙

稱盛人間第三手也白鶴外史。按圖繪寶鑑續纂盛茂煜號念菴長洲人善山水子年字大有亦善畫

蒯義工部左侍郎蒯綱右侍郎俱木工吳縣人見王世貞異典述又

蒯福亦吳縣木工能大營繕永樂中為木工首以告老退子祥代

之見■ ■ ■又蒯獻香山人以匠鳴於時見張景吳中人物志

四蒯志俱未載福應附子祥傳義綱獻疑為福族人今香山蒯姓

尚多

國朝沈君玉吳縣人善雕刻以橄欖核雕陀子一枚棕帽鬚鬚直身

肩有補綴手持一扇扇有詩四句又有楊梅核刻獼猴一枚眉目

畢具堅瓠集

姑蘇金老貌甚樸而有刻棘鏤塵之巧謂人曰世間同我目力同我

心思然思巧而氣不靜氣靜而神不完與無巧同我有四子惟行三者稍傳我法而未得其精況他人乎

顧仲呂長洲人善琢硯古雅絕倫其母袁氏俗稱顧三娘子製硯為

近代第一

以上雜藝

流寓補

後漢

王望字慈卿客授會稽自議郎遷青州刺史甚有威名值災旱因以

便宜出所在布粟給其廩糧為作褐衣後漢書劉平傳。按望琅邪人時當永平未分吳郡

。銜按劉平傳顯宗初僕射鍾離意薦望及劉平王扶曰年皆七十執性恬淡脩身行義應在朝次

岑暉字公孝南陽棘陽人年少未知名往候同郡宗慈慈與語大奇

之遂俱至洛陽因詣太學受業暉有高才郭林宗朱公叔等皆為

友李膺王暢稱其有幹國器雖在閭里慨然有董正天下之志太

守成璿下車欲振威嚴聞暉名請為功曹暉褒善糾違肅清朝府

宛有富賈張汎者桓帝美人之外親恃其技巧用執縱橫暉勸璿

收捕汎等既而遇赦詎竟誅之并收其宗族賓客殺二百餘人後

乃奏聞於是中常侍侯覽使汎妻上書訟其寃帝大震怒徵璿下

獄死詎逃匿齊魯之間會赦出後交辟不就及李杜之誅因復逃

竄江夏山中徙居吳郡子孫遂為吳人後漢書本傳參唐書宰相表。按詎見吳縣氏族志

桓礪後漢書名煜字文林一名巖沛郡龍亢人修志介三公並辟皆不應初平中

天下亂避地吳郡揚州刺史劉繇振給穀食衣服所乏者皆不受

後漢書桓榮傳參東觀記

三國

徐盛字文嚮琅邪莒人也遭亂客居吳以勇氣聞三國吳志

陳

王固字子堅琅邪臨沂人質弟少清正頗涉文史陳永定中移居吳郡文帝

以固清靜且欲申以昏姻天嘉中拜國子祭酒以其女為皇太子

妃禮遇甚重太建中卒於太常卿諡恭子固清虛寡欲居喪以孝

聞又信佛法及丁所生母憂遂終身蔬食夜則坐禪晝誦佛經嘗

聘魏因宴饗祭請停殺一羊羊于固前跪拜又宴昆明池魏人以

南人嗜魚大設網罟固以佛法咒之遂一鱗不獲子寬位侍中南史

王或傳

唐

史德義蘇州崑山人咸亨初隱居武邱山唐諱虎為武以琴書自適或騎

牛帶瓢出入郊郭東市號為逸人高宗聞其名召赴洛陽尋稱疾

歸天授初江南宣勞使周興表薦之則天徵赴都授諫議大夫詔曰蘇州隱士史德義志尚虛元素履貞恪謙冲彰於里閭孝友表於閨庭固辭徵辟長往嚴陵之灘多謝簪纓高蹈愚公之谷風操可嘉啟沃攸侔特宜優獎委以諫曹後以朝散大夫放歸邱壑

書張景人物志合纂

李白字太白隴西人當世有謫仙之目玄宗朝拜翰林學士尋謝去放蕩江湖嘗至吳以十二月既望夜宴虎邱會者八人皓月一輪長空如練白乃援筆作序以紀其勝序文見文苑英華元和志以為獨孤及撰非是杜甫字少陵蜀人壯遊詩云東下姑蘇臺已具浮海航到今有遺恨不得窮扶桑王謝風流遠闔閭邱墓荒劍池石壁仄長洲芰荷香

嵯峨閭門北清廟映迴塘每趨吳太伯撫事淚浪浪年譜云遊姑蘇當在年二十時又草堂詩云賤子且奔走三年望東吳弧矢暗江海難為遊五湖則徒託之望想間矣蓋少陵僅一過吳門故畱題絕少

顏真卿字清臣萬年人開元中守平原安祿山反起兵討賊斷其歸路德宗朝宣慰李希烈罵賊就縊諡文忠真卿立朝正色剛而有禮博學工詞章尤善正草書世寶傳之嘗至虎邱書清遠道士詩刻於巖并有繼作按其事在代宗朝刺湖州時新唐書本傳戴易表忠補序合纂

錡按康熙中府志云兄子顯為常熟尉子頤為吳縣簿遂家於吳郡

陸羽字鴻漸一名疾字季疵唐書本傳竟陵人隱苕溪自稱桑苧翁閉門

著書詔拜太祝不就貞元中寓虎邱嗜茶著經三篇嘗品泉鑿井於虎邱劍池西南品為天下第三泉

文肇社虎邱志

李紳字公垂少孤母盧躬授之學為人短小精悍於詩最有名時號

短李蘇州刺史韋夏卿數稱之位至尚書左僕射門下侍郎

唐書本傳

紳本趙人徙家於吳嘗寓虎邱讀書山中

文肇社虎邱志沈亞之傳。按紳嘗官蘇州刺

史崇祀名宦見府志學校門

韓紳卿南陽人有田園在虎邱才名振耀幼負美譽為高郵尉與李

端友善端贈之詩

李端集

李翺字習之後魏左僕射沖十世孫

按北魏書沖隴西人

中進士第累官山南

東道節度使元和初嘗條奏興復太平大略性峭鯁論議無所屈

始從韓愈為文章辭致渾厚見推當時

唐書

元和四年如虎邱山息

足千人石窺劍池宿望海樓

李翺來南錄

後周

易柏號洞庭生父安為征西將軍柏八歲即諳騎射從父巡城敵兵

擁至手刃牙將數人敵乃退以功授征西府參軍生恥之笑曰吾

以一戰博參軍耶安見時事日非密誡柏曰吾義不可去汝得保

易氏之祀足矣柏涕泣受命乘夜扁舟渡江卜居太湖之洞庭遂

隱姓氏自號洞庭生焉生居洞庭拾芋橡以自給春秋佳日輒持

竿釣魚風雨卒至則箕踞長嘯俟風雨過緩步行歌以還時蘇州

都御史向士完賢人也聞其名度不可勢屈乃遣其子成徒步往

山中與之友久遂成莫逆成故善詩與生賦咏頃刻千言而生文  
 思超卓出成上成間以精微蘊奧之義質之生口若懸河詳分縷  
 析不少休成益心折之會歲饑生子然無倚士完乃令成遺以千  
 金生不受成曰非敢污君也倘可奉為買山錢乎乃受之盡以市  
 花卉不畱一縑生年二十一未有室士完有女年十九欲納生為  
 壻數使成言之成曰生隱士大人以勢位臨之必不可士完乃上  
 表乞休往見生談論竟日相得甚歡後卒以女歸焉生嗜酒每獨  
 酌必向西設兩樽引滿澆地而拜輒嗚咽不起蓋心念其父之在  
 邊也其枕席間嘗有涕淚痕妻子詰之終不告及病革乃邀士完  
 及成告之且曰所著詩文一千六百卷并子二人悉以累大人遂

卒年二十九卒未一年安亦以忤旨死其後二子炯烜皆隱居樂

道至今子孫不絕焉

勝國遺編

宋

孫侔字少述吳興人

史作真州人

七歲能屬文既長讀書精識元解多所

論撰慶厯皇祐中與王安石曾鞏知名于江淮間初名處字正之  
 安石所謂江之南有賢人者也內行峭潔少許可不妄戲笑詩文  
 嚴勁簡古自成法度舉進士不中母病革恨不及見其仕嗚咽自  
 誓終身不求仕客居吳門未嘗傳經教授而學者聞其風旨多所

開悟元豐三年除通直郎致仕卒有詩四千篇雜文四千篇

湖州府志

按宋史隱逸傳云事母盡孝韓滉澗泉日記云熙寧二年以疾  
 損追賜常州團練推官弘簡錄本傳云劉敞言侔孝弟忠信足以

扶世矯俗累薦不赴王安石既相俾待之如布衣交卒年六十六  
。侔見王志而雅志因之然非郡人宜入流寓且本傳太簡不足  
以窺  
全豹

徐彥伯字長孺金紫光祿大夫執中之子黃庭堅稱為姑蘇孝友文

學之士少刻苦讀書多見博聞作詩得張籍句法又云徐氏非蘇

人唐末避亂家揚州之六合金紫始遷於蘇吳中人  
物志

蘇軾字子瞻眉山人嘉祐二年試禮部歐陽脩主試得軾刑賞忠厚

之至論驚喜寘第二復以春秋對義擢第一文章雄視百代卒後

高宗取其集置左右讀之終日忘倦歎曰文章之宗也屢至姑蘇

構樓虎邱居之人稱東坡樓今仰蘇樓時嶺南太守閻邱孝終致

仕家居軾每過之輒畱連累日云宋史參文肇社虎  
邱志楊慎詞品

孫覲字仲益晉陵人宋大觀三年進士建炎初出守平江未幾罷慕

郡西山川之勝泛舟濟太湖登洞庭山日與詩僧韻士笑傲於豐

林遂壑間遂僑居西山之陽名其室曰休寓震澤編參具區志  
覲見郡志職官表

薛子長從葉適游學於吳葑門適嘗敘其覆瓿集子長嘗出老翁賦

續通鑑論適見而驚異之至錢唐又出土風論則疑愈甚子長藿

食水飲慾利不掛絲髮其學長鋪廣引浩絕河漢曹陸以下不能

擬其籓也吳中人  
物志

周必大字子克晚號平園老叟廬陵人孝宗朝在翰林六年制命溫

雅周盡事情為一時詞臣之冠官至少保封益國公厯官經濟詳

見宋史本傳著書八十一種有平園集二百卷嘗至吳中徧游巖

吳郡諸山錄又有南歸錄亦紀寓吳時事

王仲甫字明之岐公之猶子風流翰墨名著一時後客于吳門中吳紀聞

邢居士大梁人游于蔡季通先生之門遭韓侂胄禁偽學埋名徙姑

蘇其孫谷真當宋末率妻子居鄉耕讀足跡不入城市姓氏備考

何執中字伯通處州龍泉人進士高等為太學博士母憂寓蘇州比

鄰失火執中拊柩號哭堅不去有頃火卻宋史

元

朱子昌字可大溫州平陽人晚家吳為江陰郡博士用薦授浙西道

儒學副提舉慨然以道為任門人稱鶴臯先生卒於大德六年葬

長洲縣楓橋龍山之原子梓瑞有文行吳中人物志

趙孟頫字子昂宋宗室湖州人幼聰敏為文操筆立就宋亡仕元累

官集賢學士翰林學士承旨所著松雪齋集詩文清邃奇逸書畫

皆冠絕今古至大中避跡長洲甫里之保聖禪院院中匾額佛牌

皆其真跡也虎邱隆禪師碑亦其所書入吳郡必寓虎邱云弘簡錄本

傳顧時鴻甫里志文  
肇社虎邱志合纂

郭炯字子昭蔡州人少與金華許謙同受業自浙東憲史為御史掾

性介潔平正所至有聲辭歸奉母寓於吳

林寬字彥栗樂清人父為崑山主簿畱居姑蘇寬七歲能屬文十歲

盡記誦六經十二以書干東平徐子方召問經義條對響應目為

神童寬為學益力父恐其勤苦致疾禁其夜讀寬密藏火俟親寐



潛起微誦至旦十七喪父寒暑衰經不去身哀毀過節家素清貧能自立不易所守從遊甚衆年二十九卒

吳縣志陳謙傳師事處士林寬。二條吳中人

物志

李祁姑蘇志

字一初長沙人元李齊榜進士歷官江浙儒學副提舉

嘗與國子助教宇文公諒主洞庭東山葉國英家祁人品高尚胸

次廓然其文不事剗削而邊幅自然詩亦如之所著有雲陽集

吳中人物志參姑蘇志。雲陽集。府志藝文作雲先生集

項炯字可立臨海人端行積學為時名人嘗寓吳中陸氏甫里書院

府志藝文有可立集

顧盟字仲贄甬東人高才博學館寓吳中

二條吳中人物志

顧德輝字仲瑛一字阿瑛崑山籍曾家長洲之顧浦

今屬元和境

財雄于

吳豪宕自許年三十始折節讀書購古書名畫彝鼎秘玩築別業

於茜涇西曰玉山佳處與一時名士飲酒賦詩其中河東張翥會

稽楊維禎天台柯九思方外張伯雨皆樂與遊才情妙麗為東南

文雅之宗其園亭圖史餼館聲伎並甲一時元至正初以茂異辟

為會稽教授不就又辟貳崑山州事仍辭去後張士誠累辟堅不

起隱於嘉興之合溪母喪廬墓精心釋典頗有得自號金粟道人

明史甫里志合纂

湯公雨字均澤性淳篤有學行工詩至正末由江陰徙居虎邱山隱

居不仕以吟咏自娛詩載四朝詩中

通志

邁里古思字善卿武威人寓吳最久有才名以進士起家為紹興路錄事司達魯花赤以直道得士庶心時遠近騷動遂練民為兵數擊叛亂有功與浙省左丞楊完哲討方國珍往往以法誅部曲無所顧望名既上聞乃遷江東道廉訪使經歷改樞密院判又大出師以討不庭臺端有忌之者使人擊殺之

昂吉西夏人授紹興錄事參軍多寓吳中為人廉介不獨著述可稱

行亦足尚 二條吳中人物志

盛似祖號嗣初自吳江徙長洲遂家焉志字軒豁篤于孝友父歿抱痛成疾三年始愈母歿居喪慟哭嘔血有賈者誤寄千緡而去似祖追百里及而與之凡親友間窺者每者視篋中財似履中直人

曰奚不恤也似祖曰財浮物在吾篋猶吾在世吾猶不常有財可

常有耶順帝末汎汎焉家無常處人因目之曰寓翁似祖聞而喜

遂以自號 續太平廣記

王貞字以通江都人元末避地吳下張士誠以德清教諭授之堅辭

不屈 嘉靖淮揚志

明

孫作字大雅以字行一字次知江陰人詩以蘇黃為師為文醇正典雅動有據依嘗著書十二篇號東家子宋濂為作東家子傳謂他人之文束於理則辭不暢肆於辭則理不直惟公洞矚千古之上折之則理勝闢之則辭嚴其推許至矣元季挈家避兵於吳盡弃

他物獨載書兩籠張士誠廩祿之旋以母病謝去客松江衆爲買

田築室居焉洪武六年召脩日厯官至國子司業

明史參明詩綜

陳則字文度崑山人

府志引明史王行傳高啟家北郭與行比鄰陳則等八人皆卜居相近號北郭十友

以秀

才舉應天治中俄進戶部侍郎以閱實戶口調大同府同知復遷

爲守則與高啟等齊名詩亦豐縟後議選士法頗可采

劉鳳續吳先賢贊

文詞清麗元季僦屋授徒以工詩名於吳下

明詩綜

葛天民江陰人元末避兵長洲洪武二十四年授大理府同知辭歸

教授于鄉天民通易學嘗賣卜江湖以養親全其志所著有野樵

遺響一卷卒葬下雉瀆

莊公瑾松江青龍鎮人永樂間寓居葑門能詩善草書尤長於畫師

法馬遠夏圭蓋張觀後一人也

鄒彬字文質臨洮人樂吳之風土因寓焉博物多識凡天文地理醫

藥卜筮皆旁通之平生手鈔百氏書殆千卷紙欄烏絲字畫不苟

矻矻筆硯間至老益勤性寡合莊重可敬嘗論張仲景傷寒書撰

運氣或問一卷謂三奇六壬太乙之法蓋河圖洛書之緒餘第多

傳會撰疏略一卷卒葬長洲武邱鄉

三條吳中人物志

任孜後改名敏字懋善九世祖盡言紹興中通判平江子孫居吳淞

敏少隨父志僦居虎邱山塘讀書佛慧菴正統士年以長洲籍國

子生舉鄉試士年成進士授刑部觀政後爲瓊州知府治臻上理

有文翁龔遂之風以積瘁卒於任貧不能斂寮吏出貲飲之以歸

敏工詩善琴製吳江曲每撫弦自適曰此中真趣惟遊心淡泊者

領之妻蔡氏名婉亦能詩

徐縉表。嘉靖時有吳江張基避倭奉母入郡以德行稱又有常熟嚴訥徙居

郡城夏侯橋有聲於時吳長志寓賢失載

王圻字元翰上海人舉嘉靖四十四年進士除清江知縣調萬安擢

御史忤時相出為福建僉事歷官陝西參議乞養歸築室松江之

濱種梅萬樹日曰梅花源杜門著述耄而不倦

明史

圻為都穆東坦

自上海卜居吳門與婦翁商訂文史因著稗史彙編記吳中瑣事

然其書紕繆不少如中使孫隆目為宦中之俠滕尚書德懋以盜

用軍糧見誅皆不足信疑為贗本自餘著撰別見藝文

陳繼儒字仲醇松江華亭人諸生與董其昌齊名嘗至長洲之甫里

寓許自昌梅花墅太倉王錫爵招與子衡讀書支碧山王世貞雅

重之繼儒工詩善文短翰小詞皆極風致又博聞強識經史諸子

靡不較覈暇則與黃冠老衲窮峯泖之勝足跡罕入城市累薦皆

以疾辭

明史參陳惟中甫里志

陶安當塗人寓虎邱半塘寺用薦官至翰林學士謀略文章時推第

一詩亦拔俗

毛理記

王叔承字承父吳江人少刻意為詩與謝榛鄭若庸名相埒時趙王

好客乃之鄴則聞雖好客客見必蒲伏稱主臣叔承弗屑也遊京

師客大學士李春芳所性嗜酒飲可一石春芳有所譏述覓之往

往臥酒樓欠伸弗應久之乃謝歸其詩極為王世貞兄弟所許嘗

寓虎邱之梅花樓

明史合纂

孫一元字太初秦人也避地於吳有逸才喜談神仙事又善為詩吳

中詩人黃省曾諸君子皆狎焉詩多悲激有不平氣時倚柱而歌

其音哀切少年和之皆泣下沾襟娶吳興施氏女

吳偉業重修孫山人墓記晚廢

于湖之張氏無子與劉麟吳琬施侃龍霓稱茗溪五隱而獻吉輩亦遙與

相應獻吉李夢陽字卒年三十七人嘗稱之云與太初對令人坐忘其為

人品題如此續吳先賢讚參明詩綜

方太古字元素蘭溪人少有美名見嫉於族逸之吳楊君謙見而重

焉與談竟日夜不窮故遂傾一時性迂緩好高自措尤負氣慷

慨嘗與黃省曾諸人遇于途誦近所為詩值雨且至咸匆遽欲歸

太古愈益徐徐誦不輟黃姬水以父友事之謹子循言其詩多有

足觀詢其家則已散佚無復存者續吳先賢讚太古初受經於章楓山

中年棄去專力於詩不苟隨時尚頗近江西派蓋特立之士也明詩

綜

宗伯昭宣城人父為閩方伯嘗攜之見林見素見素才之性輕財好

推解人緩急向之無不竭焉者遂以俠聞然非其意能讀書即所

解出意外又不自多尋究義若不及有所避來吳見徵明輩遂傾

焉日與遊王履約履吉履約守字履吉寵字兄弟皆為石交時有和歌才亦

相埒徐紹卿名言其善言嘗於黃省曾家罵座而起人以此少之

續吳先賢讚

蔣乾字子健山水過於父

父名嵩金陵人見金陵瑣事

隱居蘇之虹橋破屋半間

一介不苟八十年如一日也江盈科為長洲宰表其廬曰東海冥

鴻

畫史會要。姑蘇名賢小紀作吳人殆其父自金陵來徙

婁堅字子柔嘉定人貢生工詩與唐時升程嘉燧李流芳齊名

所謂嘉定

四先生也

嘗寓虎邱山塘程李遊虎邱諸什皆堅僑寓時倡和之作也

後歸其鄉

顧詒祿虎邱志

董元哲字澹川武進諸生值國變避地虎邱南村草茨圭葦種葵剪

韭時拊膺三歎泣數行下南都繼陷則日夜號泣不食而卒卒之

日賦詩有云首陽千古風猶在欲往從之但有心

顧苓集

歸莊字元恭崑山人震川先生有光曾孫工詩文為人嗜酒豪放不

羈明亡棄諸生來寓虎邱梅花樓山中多有題咏著有懸弓集

顧苓

集。懸弓集見府藝文志

善行草書嘗題其齋居柱云入其室空空如也問其

人鬱鬱然曰沒後女壻吳縣金侃輯其遺詩曰恒軒集山游詩

明詩

綜

薛大訓字六詒越來溪

吳江縣境

人後遷吳縣幼為道士年十四棄去習

舉子業中崇禎九年鄉試副榜家居著述會朝廷開賢良方正科

大訓投策稱旨授成都通判治事精明府中事難辦者悉委之皆

立就部使者薦其才擢衡州府同知衡州新為流賊殘破官民多

遁去大訓至攝府篆兼轄五州縣事撫字防葺無不至流亡漸歸

有妖尼天然自稱將軍聚眾劫掠衡復騷動大訓計擒天然戮之

散其黨境內以寧時南都初建議者以蘇松嘉湖諸郡爲三輔重  
地而難其守擢大訓知湖州府大訓至中途知湖州已納款從間  
道歸遇家人曰家破矣詢其父所在曰已被執遂長號入吳訶知  
父以不食斃獄乃假爲丐者負尸出殯於丙舍廬其側朝夕悲慟  
已著道士服剪髮作頭陀狀號紫光居士後疾革發其著述焚之  
卒年四十六無子女夫龔模葬之吳山祖塋

蘇州名賢小傳。按大訓實青浦籍此又

作吳江人是宜入寓賢

路振飛字見白真定府曲周人明天啓五年進士由涇陽知縣擢御  
史敷歷中外咸有政績崇禎十六年授右僉都御史總督漕運巡  
撫淮揚明年北都陷福王立於南京河南副使呂弼周爲賊節度

使來代振飛進士武愨爲賊防禦使招撫徐沛而賊將董學禮據  
宿遷振飛擒弼周愨擊走學禮竿弼周法場命軍士人射三矢乃  
解磔之縛愨徇諸市鞭八十解京正法五月馬士英罷振飛令所  
親田仰代振飛無家可歸流寓東洞庭山順治二年 大兵破南  
京唐王自立於福州振飛乃赴召拜太子太保吏部尙書兼文淵  
閣大學士王每責廷臣怠玩振飛因進曰上謂臣僚不改因循必  
致敗亡臣謂上不改操切亦未必能中興也上有愛民之心而未  
見愛民之政有聽言之明而未收聽言之效喜怒輕發號令屢更  
見羣臣庸下而過於督責因博覽書史而務求明備凡上所長者  
皆臣所甚憂也其言曲中王短三年 大兵進仙霞關唐王走汀

州振飛追赴不及汀州破振飛走海島明年赴永明王召卒於途  
後觀歸東山葬於法海塢子孫守墓遂家於山

明史本傳墓誌合纂。府志列于名

宦茲因其僑寓東山移入  
寓賢且補府志本傳之闕

陶徵字季深寶應人以字行又去其複字止稱季四方識與不識咸

目曰陶季季早失怙恃崇禎末天下亂挈妻子避地吳趨有運期

德耀之風福王南渡後棄諸生不事而肆力於詩古文詞性耽游

覽游屐所到聲名翕然其所著詩多于舟車中得之因名舟車集

鄭方坤小傳。按池北偶談一字昭萬過東阿曹子

建墓有句云可憐衰草地猶是建安人為時所稱

邱端吳江人少孤與母徙居東山之俞塢家貧力傭以給嘗買鮮魚

奉母妻匿其半將以食子端知之怒且泣曰婦死可續母一而已

何逆婦不以我心為心耶妻感其言後亦以孝聞母性畏雷既沒

每雷電必匍匐墓側曰兒在此人比之王哀云

具區志

國朝

吳偉業字駿公一字梅村太倉人崇禎四年進士第三人及第仕

國朝位至祭酒詩才雋逸卓然成家鼎革時挈百口避地長洲礬

清湖畔賃居吳青房之室為賦礬清湖行以誌之未幾歸性好山

水乞休後徧游靈巖鄧尉東西洞庭諸名勝尋幽探異題咏成帙

甫里志梅村

詩集合纂

王士禎字貽上號阮亭新城人詩以神韻勝為海內風雅之宗順治

庚子任揚州司理辛丑春以例往松江謁直指次許墅聞鄧尉梅



花盛開遂輕舟入太湖口自光福元墓畱聖恩寺四宜堂賦詩數十篇而返因自號漁洋山人有入吳集入吳集見府志藝文門

梁逸字逸民號春隱崑山人辰魚曾孫嘗徙居吳縣紅葉村時同邑

張辰亦家閩門外而湖州濮宗新安汪子蛟皆游寓四人以詩相

友有遊山倡和集一卷逸歸崑山刻其生平所著詩仍以紅葉村

名集見府志藝文志所樂也獨賞集稱其五言古詩神味淵涵冲乎自遠

吳爰論詩最嚴其贈逸詩云頽唐我恨淪天寶疏越君能起建安

便擬飲灰深滌胃柴桑最上覓奇觀蓋推服至矣崑新合誌

閻若璩字百詩一字潛邱淮陰人績學嗜古於漢唐諸儒註疏類能

貫穿鈎穴口誦如瀾翻舉鴻博報罷來寓吳門宋中丞榮亟稱之

日與顧嗣立何焯上下議論灑灑不休生平撰述雖不及顧炎武

之富而精確則過之茶餘客話云潛邱初交何義門義門年二十四日與議論時文潛邱將有明三百年名家

制義其中錯解題誤用事者盡標出為一帙凡數百條謂此乃代聖賢立說豈有使別字用譌事者義門擊節歎賞歸而抄選制義

行遠集悉如潛邱之旨

王恒字子占紹興人能畫山水罨布濃淡意象微遠尤好為枯木竹

石寓居虎邱方丈十年絕跡城市不交人事窮餓死顧詒祿虎邱志

王鳴盛字鳳喈號禮堂嘉定人乾隆十九年殿試第二人及第除

編修以大考翰林第一擢內閣學士典試閩中以多用驛馬降光

祿寺卿丁憂後不復出山移居吳下先時與惠棟交深究羣經古

義著尚書後案及軍賦考皆闡發鄭氏之說又為十七史商榷據

各史紀傳志表考其異同而折衷之更著蛾術編列說十門以見其學無所不該古文宗遵巖震川詩兼綜三唐為沈歸愚先生入室弟子

蒲褐山房詩話

蒲褐山房詩話

列女補

宋

沈括母許氏吳縣人太子洗馬許仲容女烏江主簿許洞妹適錢唐

沈周相其夫歷官有聲及春秋高於內外戚屬為高曾行而慈幼

字微愈久彌篤二子括扶括以文學貴顯名重當世扶入仕亦有

吏材其幼皆母自教之

通志。括見吳縣志流寓

顧氏莆田教諭徐大章妾西洞庭人大章亡主母欲嫁之氏不從忽

一夜眉髮盡白守節四十七年元大德元年卒郡守陸俸弔以詩

有老在片時天助節名留百世日爭光之句

太湖備考

王氏消夏灣人生而穎異七歲能詩有宮詞七百首膾傳于世宋高

宗都臨安聞其名召拜為妃氏對使曰二帝未還敵邦未殄便志  
耽晏樂英主必不出此題詩付使者即闔戶自經死詔贈貞烈夫

人 李玉中  
碑聚

西山鄭士昌五女曰貞曰素曰雅曰淑曰新德祐乙亥九月元人渡  
江五女恐罹兵禍豫築一大壙丙子二月事亟共入壙中死今曠

里之五義女墓是也

包山鄭氏  
貞節錄

元

江陰趙氏趙良之女年十七隨父避亂至姑蘇遭掠赴水死

靖江貞女陳玄奴至正間避倭亂往姑蘇遭兵擄義不受辱投水死

祠祀

二人見  
常州志

秦筆生

弘簡錄  
無生字

妻某氏江陰人筆遭亂挈妻依同郡朱判官瑠居吳  
門筆病卒貧無以斂瑠為具棺衾且思卹養其妻其妻泣謝之夜

漏半哭益哀忽自經筆死所瑠為之合葬而表其墓

續弘簡錄常  
州府志合纂

明

洪武初吳人姜子奇娶婦三載值大軍過吳擾亂子奇挾妻出避倉  
皇間因失其妻乃為兵官攜歸京師子奇流落四方者累年後行  
乞至京有高門一婦人見之而泣貽以酒饌又以布囊裹熟米一  
斗與之子奇不敢仰視而去翌日此婦在門又見子奇行乞呼與  
相見共語為主母所偵即令人追之檢其囊有金釵一雙書一封  
因告其夫啟封視之乃題詩一律云夫畱吳下妾江東三載恩情

一旦空葵藿有心終向日楊花無力暫隨風兩行珠淚孤燈下千里家山一夢中每悵微軀罹此難相逢難把姓名通兵官見詩卽時遣還仍賜錢米以資其歸

西樵野記

陸完爲冢宰母夫人葉氏貽書以物禁太盛爲戒陸敗籍沒葉亦逮詔獄神色怡然後出獄死于長安官舍人咸智而傷之葉之幼也庭有積水一兒溺焉女伴曳之愈沈葉奪而縱之兒遂起識者謂有司馬公之風

湧幢小品

英宗正統三年十二月旌表節婦吳縣民杜德潤妻費氏

皇明實錄

庠生水禎妻徐氏年十七夫亡舅姑憫其無嗣將有他議氏截髮自誓乃止

何氏年十八配韓用光生子名墨甫三齡而孤氏茹荼鞠育課以經書後補郡庠生氏壽九十二而終

張氏高鵬繼室

見長志

元配生子位邑庠生早卒無嗣鵬憂高祧不祀

乃繼娶張生子僎五歲而鵬死時張年二十八位妻陸氏將四旬

一孤二寡相依爲命張苦節至七十餘陸至八十後僎子文蔚亦

早卒妻吳氏撫遺孤鳳翥守節終身三世柏舟當代罕見

以上三條陳惟

中甫里志

蘇城內一女子樓居誦經聞叫夜僧聲甚苦傷之投以金錢僧謂女悅已夜入逼女不從僧殺女攜首以去適女母舅宿于家明日其家訟于官謂舅殺之官加酷訊不禁誣伏而不得首且再加桎梏

舅女痛父因自斷其首舅以獻官察之非是因得其情大加憫恤  
虔禱于城隍神夜夢神曰殺女者某寺某僧首在廢佛腹中搜佛  
腹果得首坐僧死舅得釋蘇人建雙烈祠神史彙編

尙書吳洪女適郡人徐某為都憲徐源冢婦善事舅姑以賢達名後

吳郡遇劉七宸濠二大變一則有狼山之逼壓一則有安慶之先

聲吳悉以無成決之果如所料續吳中故事少喪母與弟山巖相依長

孀徐門夫多畜婢妾待以公寬其有爭妍取憐而至紛競者從而

喻解之且順事其夫無有不聽又訓後人每以天理二字為本長

子勲為宰有賢聲黃魯曾續吳中往哲記勲互見人物

邱氏蘇州人俞欽玉之妻也欽玉故刑部尙書士悅子頗知書而輕

財好色嘗以邱無子置妾七人邱待之慈惠而防之則嚴旦暮出

入房闈皆有節制童子十五以上不許入中門成化間欽玉遊京

師客死教坊妓家邱待衆妾益厚而制馭益嚴喪甫終存其有子

者二人餘悉嫁之二子皆遣為府學生云吾待子無厚薄成否汝

之責也邱之父兄皆不拘禮節之士懼其有所窺每至必先出中

門延之別室飲食之自欽玉死家無妄費而門無雜賓俞氏已衰

而復振者邱之力也菽園雜記

張道人妻用直鎮人平日茹素念佛突遇倭寇青天白日之下即欲

姦污張妻欺之曰必擇良方好就隨倭寇行無定止倭寇以刃背

斫之乘隙投路旁列井而死

婁門外陸華女嫁唐相抱嬰兒守一衣箱倭寇來急棄兒水中即自溺焉倭寇見色頗艷援之岸擊其箱而易以新衣率去竟復投水

而死二條黃魯曾吳中往哲記補遺。慷慨赴死其節凜凜如此而郡邑志不錄當時採訪者失其職矣

薄少君長洲人婉孌有節操歸于沈文學承沈名噪海內而不得售

以卒少君哭以詩百首辭韻愴烈明歲忌辰酌酒一慟而絕鄭仲夔耳

新。按名媛詩歸作婁東人

方氏桐城人錢秉鐸妻避寇南都秉鐸與阮大鍼同里有隙避吳中

方挈男女追尋得之已而吳中亦亂方知不免乃密紉上下服抱

女赴水死明史列女傳

蔡氏西洞庭鄭揚宇妻初從夫僑居湖廣明末歸吳遇流寇被擄氏

誓死不辱賊斫之斷臂死鄭氏家譜

張孟舉妻曹氏東洞庭人二十二歲夫亡父母欲奪其志氏斷指以

誓奉孀姑金氏同室而寢者四十五年姑卒氏哀毀成疾卒

東山周氏年十六適葉嬰暉甫一月夫客松江逾年卒氏聞訃縊死

東洞庭葉貞女葉文重女年及笄未字父母相繼沒弟沉在襁褓人

為謀婚指弟泣曰痛失怙恃寧忍捨此而去耶沉既婚宗黨咸勸

其嫁復以老辭之卒以處子終嘉靖中郡守姜公旌其門曰貞義

以上三條其區志

金上珍妻吳氏東洞庭人婚彌月夫遠客未幾以櫬歸氏拊棺擗踊

葬時縊于墓救甦自此惟求速死逾年嘔血斗餘卒時年十九歲

孝婦周氏名繼昭吳士竑妻吳縣武山人士竑客外姑張嬰重疾氏  
卜割股和藥吉復思股在下體不可奉姑乃割肱以進姑遂愈時  
天啓元年

夏椿庭妻曹氏西洞庭人年二十三夫亡自刎以殉賴救得不死守  
節六十六年崇禎十年卒

以上三條  
太湖備考

錢氏常熟人侍御龍橋女性孝友婿吳郡陳龍泉龍泉之父吳川儒  
而貧龍泉又善病不再歲而歿遺孤甫七月氏痛欲絕家人勵其  
保孤乃不死葬竣家益壁立母褚夫人憐而收之昇以家政無不  
井井拓污萊若干畝以佐孺子於外傅會褚夫人卒氏絕口肥鮮  
或遂勸以浮屠法謝曰吾念親耳不知其他龍泉有季弟氏婚之

幼弟氏讓而業之且迎其舅孝養之節孝才識卓然出羣惜未及

期尙緩旌典其孤名王道

海虞家譜  
節義攷

王夫人蔣忠烈公若來妻也崇禎甲申若來以都督殉難事詳郡邑  
志王夫人及側室七人女二人未婚媳趙氏闔戶自焚 國朝乾

隆丙申

賜祀節孝祠

互見人  
物補

光祿卿沈廷揚妾張氏廷揚號五梅崇明人崇禎間上海運事宜累  
官至光祿寺卿國亡不屈執至江寧被戮妾張氏鬻衣裝葬諸虎

邱廬墓二十年

顧詒祿  
虎邱志

周氏文乘妻

乘文肅公震孟子遭國變殉難  
妻亦從死見舊府志文乘傳

周氏年十八適陳誥誥卒索逋盈門氏勤促女工內以謀生外以償

負詰妹歸李漢未期而寡歸母家與嫂同居勵志人稱姑嫂雙節

顧時鴻甫里志

歷年旌表貞節補

列女中事行卓絕載籍可稽者補傳如前餘從府志例分已旌未旌彙補於後。志有名氏失載者有事蹟未詳者就見聞所及錄之餘俟續輯

錢綬妻某氏嘉靖八年旌

吳城家譜

慎廣鈺妻葉氏嘉靖二十一年旌

○張頰妻嚴氏崇禎十三年旌

以上二節婦吳縣東洞庭人見具區志

吳縣顧祿妻

某氏

見府志顧福傳旌年俟考

未經旌表貞節補

苦節幽光豈容湮沒網羅放失彙誌斯編聊以續蕭章辰之微顯志云爾

葉善道妾吳氏

東洞庭人年二十而寡椎髻操作撫子延壽自週歲至成立委以家事獨居小閣奉佛年七十三卒

沈仲雍妻馬氏

年二十八夫亡守節四十年永樂二十二年卒

生員蔡純正妻徐氏

十四夫亡無子守節三十二年天順三年卒

屠子雲妻張氏

年十九夫亡撫遺孤涓既授室而卒又撫遺孫希周

辛勤七十六年

秦用章妻許氏

年十九夫亡無子守節四十七年萬曆十二年卒

徐守仁

妻張氏子壽椿妻嚴氏

姑媳孀居刻苦共勵張守節五十五年天啓四年卒嚴守節五十四年順治九年卒

嚴氏子名一鳳

蔡正容妻金氏蔡仕容妻陸氏

正容仕容兄弟也皆邑諸生金年二十三夫亡陸年

二十一夫亡金守節三十七年崇禎五年卒陸守節五十年順治三年卒蔡方炳作雙節傳

蔡堯妻馬氏

夫亡守節五十六年崇禎十一年卒。以上九節婦西洞庭人

長洲縣諸生潘錫妻

湯氏

錫字天賜卒氏事姑孝撫三孤慈里黨稱賢詳見湯萬煌節孝耐祠記

錢愚妻陳氏

姑同姑綬妻某氏也。吳城支家譜

申時徵繼妻胡氏○申藍妻周氏

二節婦見申氏家譜

景妻呂氏

年十八寡撫子俊成立趙宗文贈以詩

楊澤妻趙守貞○韓漢章妻顧氏

子復甫四月而孤氏撫成之

包氏三節一為顧容妻包晟女一為陳夢禎妻包



叔明女一爲王仲賢妻包正叔女○馬八駿妻楊氏以上七人見顧時鴻甫里

志 蔣焯妻張氏見妻關本支錄

國朝

戈雲卿妻王氏雲卿以赴試得痼疾卒氏勉營殯葬力瘁哭哀時值薦饑以紡績易脫粟奉舅姑而自咽糠粃舅取嘗之嗚咽不能發

聲生於萬歷十四年卒於康熙三年長元節孝祠志

金氏土工女也年十歲爲朱雲升養媳夫阿求病廢飲食衣服悉經女手雲升憐其苦欲以養女嫁之父母喜以告氏氏曰女之事求已九年矣若復他適是二夫也請以死誓後生一子一女俱天氏年五十六卒鄉里嘉其志而悲其遇

唐貞女太學生志和次女許字楊禹襄子來未婚夫天氏年十六聞之卽奔喪父母強之歸不可事舅執婦道舅歿喪葬盡禮因無依遂大歸長齋椎髻越九年忽語家人曰我於八月二十四日當長往矣及期果然嗣子晉賢扶柩合葬

趙氏浙江進士承烈女年二十一適甫里許竹隱長子心宸性寬裕能吟咏事舅姑以孝聞二十六而寡守節垂五十餘年卒侍婢李阿彩里中漆工女偕主母守節亦終身不字又竹隱次子心巖妻徐氏早寡無子嗣子名嵩未婚而歿氏苦節與趙氏同以上三條見顧時鴻

甫里志

張可久長洲人年十八而天聘室下堡顧氏年十七在家聞變卽哀

痛求死父母防閑不得閒遂歸張門長齋禮佛至四十四卒又蘇  
駿公媳松陵黃昊若女宋瑤成媳長洲庠生顧宣三長女俱年未  
二十未嫁而寡殉義不改守節夫家

遺愁集

宗裔昌母陳氏吳縣人早寡守志子裔昌拾遺簪歸命至其所候還  
之一日風吹墜二絹于庭陳曰无妄之獲非我所願且失者必多  
冤誣訪之則染肆方意其傭竊取遂還之其志操如此康熙二十

三年旌

通志

吳趨石孝子守中三十而殞易簀時焚棄所著詩集節母撫三歲孤  
稍長于敗簾中得蕉扇對鏡遺詩一二紙捧詩而泣徧乞名人序  
傳曰韭溪草堂焚餘藁詩曰叢殘青鬢半成絲對鏡空餘罷舞悲

蕉扇搖風恩未畢韭谿翦雨淚先滋人憐敏孝傳私諡

石君私諡敏孝何質

谷為之議天鑒孤熒守逸詩畱取咳華二三策他年好仗史書垂

吳廷楨石

節母詩序

張氏施浩如妻年未三十而寡赤貧苦饑姑迫之嫁誓死不渝久之  
姑亦悔氏奉養惟謹里人重之

項氏吳懋楷妻懋楷新安人世居甫里病故氏立志守節姑胡病劇

氏割股和藥以進病旋愈苦節三十年卒郡守張廷選旌以盡孝

完節之額

以上二人見陳惟中甫里志。張廷選當作張學會

陳氏角直人嫁里中曹萬應萬應落拓嗜酒氏屢規之不聽一日氏  
歸寧夜半夫家火急同女僕趨歸時火自寢及堂勢熾甚詢知夫

遇難人莫敢救遂號哭奔入烈焰中負萬應尸出口紅若炭氏慟  
欲俱焚從者力持之得不死時順治庚子三月七日也及殮殘骸  
嘔血擗踊遂病膈終身

嚴氏金五觀妻五觀爲人所殺氏奮身控告官爲正法子寶娶周氏  
寶死姑媳並勵苦節

鄒貞女唯亭人許字徐春觀

見元和志志僅書其名未載其事  
故補錄之後凡註見志者倣此

春觀

奇窮嗜賭負債經死氏趨喪哭甚哀願守節父母曉之曰春觀不  
齒于鄉守之無名氏曰兒若改節亦不齒于鄉矣遂從其志舅姑  
死厝柩舍傍隙地日日捧土成小冢族人哀之爲謀立後年五十  
卒沈宗伯德潛爲立傳

陳氏嚴克有妻年十九夫故冒火守棺讓產營葬守節至七十卒邑  
侯江公給節並懷清額

陸氏徐桂妻年二十一夫沒後九日生遺腹子卽殤誓不欲生絕粒  
五日死

張氏沈銳功妻事姑至孝夫歿無子親串以貧乏告必周恤之甬里  
中如同仁之埋骨海藏之惜字皆捐田以助年七十四卒

趙氏太學生沈騰龍妻夫亡守節事姑以孝操家有法暇時喜讀書  
談史事娓娓不倦課三子成立季子世華爲諸生苦節三十七年  
騰龍弟太學生見隆繼妻王氏年二十七而寡無子以世華爲子  
氏性勤儉貞操亞於趙氏人稱妯娌雙節

祝氏趙舜卿妻翁龍泉病廢牀蓐舜卿業負販為餬口計氏躬代子職手奉餐飯洗滌廁踰歷三載無倦以上八條見顧時鴻甫里志

袁貞女閬門人為處士映媚女許字沈大立未嫁而大立死貞女矢志歸侍舅姑克盡孝敬舅病篤割股以進彭侍講定求贈以貞孝

可風之額采風類記

金孝棐妻吳氏東洞庭人二十二歲夫旅死慟絕時方娠冀得子以延宗祀及舉女遂自經被救甦守節四十六年康熙二十八年卒許大奇妻葉氏東洞庭人年二十一夫亡誓以身殉念嗣無可立忍之後夫兄生子遂請撫育比長卒氏遂投井死孀居三十一年時康熙三十六年也

嚴氏東洞庭人性明慧喜讀書年十八適鄭量如二十六而寡撫姪為嗣早亡寡媳繼歿撫育孤孫口授經書長孫棟領康熙四十七年鄉薦氏善卜易多奇中嘗卜棟必以麟經中式命棟改春秋果得售又棟嘗得疾死且三日惟心尚溫其孫媳號慟搶地氏卜之慰曰毋庸感吾孫命必不死特恐汝年不永耳棟果不死孫媳於明年去世生平著詩盈帙悉焚棄僅傳懷親憶兒悼媳課孫詩四首其悼媳曰撫孤自古難于死苦節何人可謂賢其志亦可見矣守節四十八年康熙四十七年卒乾隆五年旌錡按府志鄭洪度妻嚴氏亦乾隆五年旌年旌事實不載洪度疑即量如殆一名一字耳棟字禹公婺源教諭見吳縣志選舉席正宗妻吳氏東洞庭人年二十一夫亡潛吞金舅姑知之急搗山

藥以絲綿裹成丸強喻吞服金隨綿下得不死終以腸胃受傷得嘔血症至雍正十一年十月血湧而死

吳氏吳君聞女吳縣武山人許字翁齡年未婚齡年死氏誓往同穴倩人達意于翁復手書致其姑陳說大義遂迎歸執夫喪未幾父卒泣謂母曰三從之道女無一焉生亦何為俟夫服除從容自經死時康熙十九年氏年二十

范貞女沔陽人也嚴士元西洞庭人父商於楚聘女為養媳年十二挈之來山未婚士元從父客楚遇亂音信久絕女性孝姑絕憐之哀其無依欲令更適曰吾有夫將安適又有傳士元別娶者勸氏改嫁曰吾有姑繁誰養後知士元死于楚姑已歿鄰里俱勸改嫁


曰吾老矣敢自辱年八十有三卒以處子終其身詳見秦存古傳

姚某妻殷氏西洞庭山人年二十夫亡姑納富兒聘氏即以剪刀斷喉得醫治不死撫子君祥甫成立而亡撫遺孫復早亡又撫曾元苦節七十年康熙三十四年卒

胡公輔妻黃氏西洞庭人年二十九夫亡無子舅姑欲奪其志氏不從夫弟潛納人聘迎娶至門遂自經死自金孝妻吳氏至此凡八人皆東洞庭金友理采

訪所得

姜桂字芳垂號古研道人孝廉本渭季女前明行人塚曾孫女也許字木瀆張景崑未婚張卒桂時年十九聞訃欲自經父母許其守貞乃不死未幾舅姑相繼歿無可歸乃矢志老于室奉老母不忍



頃刻離通經書能詩九工山水乾筆疏秀善臨摹宋元名蹟畫徵錄參

節孝祠志。本渭字綸周  
雍正七年舉人見府志

陳濟成妻韓氏見長志年二十三寡守節六十年姑病篤割右臂煮湯

以進之

諸生顧宗齡妻趙氏見元志年二十四而寡孝事耄姑姑病篤嘗糞糞

苦喜曰吾聞病人糞苦者不死姑病可無憂也已而果愈訓子嚴

每事必令稟命於叔積平日紡績貲以助季叔營祭葬事夫兄宗

周亦諸生先宗齡二年而亡蓋前明崇禎九年也妻唐氏見元志時

年二十五以事撫為已任連遭家難世變與妯趙氏共勵貞操蓋

一門雙節云

顧弈世妻馬氏見長元志性純孝得翁姑歡迎養父母於家已咽糟糠而

以粟飯供親後以積勞成膈症謂子女曰汝父沒時吾本思絕食

今適吾願也遂卒

施統元妻謝氏見元志歸施逾歲統元沒庶姑欲奪其志氏以死誓家

貧針黹給炊久之愈窘氏指白刃流涕曰有食以守兒則守之無

則守此以殉也常咽糠哺兒以糜族姓咸哀之子煥為人醇謹母

教也

陳淳聘室楊貞女吳縣志有陳樸民聘妻楊貞女樸民疑卽淳之字也幼為淳養媳年十七將

成婚淳卒翁姑不忍令成服氏悲悼不已跽而固請翁姑見其志

已決從之成婦禮氏每伴食靈座一時名士作詩文美之

金傑妻范氏

見元志

夫亡遺腹子輅自課經書輅弱冠補諸生氏通經

史好內典尤工吟咏燭云一點明心何太直兩行血淚幾曾乾

春日云春至從何至林園草木叢春歸何處是杜宇一聲中亦可

想見其苦節矣

諸生管進妻湯氏

見長志未旌

進為農曹玉音公會孫歿後家赤貧氏以

訓蒙為生自課其子能屬文病天氏自題于塾云未亡一息心先

死不哭三更血已枯其志可哀矣年二十寡守節五十三年乾隆

三十八年旌

周之德妻沈氏夫歿事姑張謹張嘗于初夏冒暑思瓜氏以十指所

得百倍其價購一瓜以進歸寧止一二日姊妹畱之不得曰恐吾

姑岑寂也夫歿時子大綸甫十四月氏以長以教脩脯出自女紅

積栽桑飼蠶貴卜地以葬三棺將及期大風雨發引後天忽霽人

以為誠孝所感云守節五十七年乾隆三十五年旌

陳燦妻金氏守節二十九年撫孤成立葺祖祠修築七代塋墓置田

以供墓稅族黨咸重之乾隆三十七年旌

鍾一貫妻王氏長洲縣陸墓鎮人乾隆三十五年六月十五日夫亡

氏以死自誓家人日夕防閑至十一月初三日自縊時年三十九

乾隆三十七年旌

贈文林郎嚴廷鑑妻於氏長洲人姑病篤鄰火延及臥室樑楹盡赤

氏奔赴烈燄中負姑出衣履悉焦灼課子有法自四子書迄唐宋

人文無不親爲講授子際盛官浙江歸安縣知縣次翊次渤俱長  
庠生乾隆四十一年旌

周興爵妻倪氏舉人承茂女興爵爲忠介公元孫以勤讀得瘵疾氏  
于歸未三月而夫亡號慟欲絕時身以暮年哭子成疾氏稽顙北  
辰願以身代一夕見天西北隅現大人像疾遂愈撫教嗣子志忠  
慈而嚴乾隆四十二年旌

陳曰壽妻張烈婦年十八歸曰壽僅九月曰壽卒氏執意不欲生七  
供旣畢自刎柩前喉間血如注尙危坐追殯殮面如生乾隆四十  
二年旌

馬大成妻沈氏夫亡誓以身殉姑驚救得甦姑疽發背朝夕吮舐守

節四十六年乾隆四十三年旌

莊源妻王氏源卒遺子三女二氏晝夜操作以給衣食翁老病臥床  
手搓秫米爲粥以進疾良已乾隆二十年歲祲屑豆餅自食而以  
飯飼諸子仲子銓登三十九年鄉榜四十四年旌

吳元潏妻朱氏母病危氏割臂和藥進得瘥母見女以絹束臂詰得  
其故年十七歸於吳越七年元潏卒守節二十四年乾隆五十二  
年旌遺腹子紹相登乾隆五十七年鄉榜

鄭濬妻湯烈婦于歸一載夫歿氏號慟不肯食姑虞其變日夜防之  
防者少懈氏從容取手成履五兩一奉姑一奉母下及小叔幼弟  
又織麻絢以自履夜具姑膳畢入戶以夫佩帶自縊時康熙四十



八年八月五日也距夫死二十三日死之日終夜大風雨不止  
朱某妻金氏葑門人朱某名無考婚一載入都卒氏痛夫客死又無  
力扶襯旋里適郡紳迎眷入都延氏課女遂應聘往奉夫骨歸葬  
一時間而義之

施麗昭妻黃氏二十二歲而寡遺一子一女以女工養之後母氏有  
家難奉母棲城南破屋三椽勤劬孝養又遭歲歉常蓬首垢面朝  
不謀夕久之母卒子亦夭其婿孫聖與迎養以終

吳縣施宏燮聘妻李氏貞女長邑許墜人婚有日宏燮患咯血請改  
期氏謂母曰病愈吾不患無歸不愈吾又將誰適耶于歸三日而  
夫卒氏奉舅姑謹舅姑歿安葬畢歸依兄嫂

舉人繆之惠妻張氏在室割股愈母病已嫁又割臂愈姑卜氏病鄉

黨稱為孝婦側室張氏亦以節孝著

之惠字敏中乾隆十二年吳縣舉人見府志

沈瑞雲妻陸氏夫卒遺孤甫四歲撫之勤墻卑鄰人窺之氏厲聲曰  
我以一死報我夫矣以頭觸庭中石血流及屢鄰媪趨救之得不  
死後子卒遂絕粒姊聞而勸之乃稍進飲食至六十四歲卒守節  
三十六年

潘弈倫妻王氏夫亡依夫姪茂昌八載不下樓乾隆庚戌夏茂昌宅  
火延及樓衆呼之下氏厲聲曰死生命也卒死於火翌日面如生  
陳天揆妻馬氏夫亡後翁病百計求痊割臂煎湯以進守節二十六  
年

吳縣諸生馬夔鳴聘妻楊貞女年十九未嫁訃聞矢志守貞家人勸  
慰女以死誓未幾病卒

長洲諸生沈昊繼妻吳氏九歲母病篤氏虔禱大士而愈夫歿困苦  
萬狀有老屋數椽為堂姪盜賣遂徙居以讓之自守寡後楊釵一  
枝簪以終老每當饑寒拮据借貸俱絕輒強自慰曰餓死事小其  
子常垂涕為人述之子暢郡學生

王本石聘妻夏烈女世居金墅鎮未婚而本石天烈女聞之夜自經  
比殮顏色如生時乾隆十四年四月二十六日也以上二十七條  
見長元節孝祠

長洲王若滄妻潘氏若濬妻陶氏兩人俱以少寡勵志潘氏上慰重

闈下撫嗣子陶氏教養雛兒營葬五柩先後得請於 朝並膺

旌典潘氏祠坊在仙人塘潘農部奕雋為立傳陶氏坊表在江鐵

橋韓贈君是升為立傳潘乾隆四十八年旌子名朝棟  
陶乾隆五十五年旌子名思恒

黃氏西洞庭沈開榮妻乾隆十三年七月二十三日氏年二十五開

榮病劇氣絕氏即拜別孀姑託叔嗣姪經營殮具從容自刎翌日  
開榮復甦氏則不可救矣藩伯辰公垣旌其門曰奇烈無雙

錢氏東洞庭小長巷周德先妻夫亡慟不欲生七終祭奠夫靈畢即

自縊死時乾隆十四年三月氏年三十有二

金貞女東洞庭人幼受邱在高聘未婚在高就學椒邑暴病死訃至  
家人秘之越月餘女微有聞即稱疾臥床絕飲食父母呼之則應

勸之則不答旬日而卒邱感其貞迎其柩與在高合葬乾隆十四年事

葉申集

錢氏棲碧山人韓璟之孫希文室也韓吳中名閬山人卜隱木瀆香溪稱高行氏舅知非姑卽氏父姊也于歸時姑已歿惟舅暨祖姑在堂氏謹事兩世無闕禮居六年希文病痺症歿氏毀慟瀕死越十一年祖姑歿時舅年望七苦衰老氏色養益至日夕依左右不暫離凡婢嫗之事靡弗爲晚歲撫夫兄子齡爲後授室甫一載齡夭節母偕寡媳王氏共處空閨悵鬱成疾乾隆三十七年卒年七十有七守節五十載父松年母翁氏

約李繩事略○松年爲子從祖無子有女如此其亦可以

傳矣

衛喜陳壽者宋貞女景衛之二婢子也衛喜字於張已而張死不再字陳壽嫁朱氏年二十餘而寡無子皆依景衛以老焉景衛守貞事載長洲志

金順字德人吳縣人中書汪曾裕室夫亡以節孝稱題管夫人畫竹云王孫若解凌霜節合署鷗波老畫師用意微婉其苦志亦可見矣

國朝別裁集

徐洪載妻沈氏沈君璧女西洞庭人侍夫疾不梳沐者浹月夫憐之臨死囑曰汝年少無子守節非計也氏泣不應未幾有以夫言諷者氏卽提刀畫兩頰曰寧死無顏對他姓也守節五十餘年卒

蕭章

辰徵顯志

蔣節婦范氏吳縣廩生尊修女歸木瀆蔣天庚天庚得咯血疾而天  
時節婦年二十二男光祖生甫四月舅姑又年老多病家產日索  
左右無僕媪節婦手調湯藥出溺器裁縫浣濯胥身親之姑性多  
恚疾發輒瞋亂難近節婦侍屏息不敢出聲夜聞呻唵輒立起候  
視積久不懈舅姑既相繼歿庶姑亦歿與夫凡四棺俱在殯節婦  
拊而哭曰是未亡人責也於是辨色而起績麻臬刺繡文日入而  
息夜不火如是者數十年始克買地葬四棺而光祖亦既婚且壯  
矣卒以乾隆五十年年八十一將卒語光祖曰我無他囑循天理  
三字終身行之可矣是年冬得 旌二林  
居集

禮部侍郎長洲錢棨幼女許字王利謙為平陽同知遇亨之子王生

未婚而天女聞訃毀粧稟命于父請赴夫家守貞父嘉其志從之  
烈婦練氏吳縣三思涇朱順天妻澤塘煥如女平居伉儷甚篤順天  
病瘵垂絕烈婦晝夜哭泣母知其有死志密遣嫗覘之嫗偶出門  
庭中驕然有聲急趨視見碎瓶在地烈婦怡然曰吾飲鹽滷矣蓋  
貯滷已久人不知也遂死夫目乃臈氏年二十二無子止一女乾  
隆六十年事後得 旌

監生蔣綏祖妻陸氏通政使經遠孫女有孝行姑病劇割股和藥以  
進族黨交稱

監生蔣兆奎聘妻顧氏生員邁宗女未婚矢志守貞悲傷成疾年二

十七卒

二條婁關  
本文錄

吳門甫集 卷六 列女補

貞烈女王氏吳縣人父進士岱東母吳氏烈女年十六許字錢君安  
三年君安病且篤女聞之不食訃至吞金環環輕不死既而食銀  
硃又不死明年大父芝軒歿烈女號慟病咯血聞醫者言血證忌  
酸辛味隱取食之又二年為乾隆戊寅有女妣為某氏請婚烈女  
覺走入房中慟曰天乎吾三年中求歸吾家不得求速死不得所  
以不卽死者猶冀歸我有日耳今已矣兒不獲事父母矣遂絕粒  
不食家人強之勉進一匕一日昏絕復甦自言曰今吾吞金倍重  
於昔得遂吾志矣言訖下血數升死時三月十五日也年二十二  
約徐曰璉傳。君安子族弟也烈女真容嘉慶初迎歸浦莊惜未得奉柩合葬以慰貞魂烈女墓在吳山

方氏東洞庭人父母老無子贅葉茂功茂功執事於族之富人家以

讒死富人燔其骨方氏不能仇而南陽之好事者遽起富人則戎  
首方老而獄之夫燼父獄合冤莫雪遂紉上下衣挾一剃刀將血  
於琴堂舟子見其異給之返乃詣虎穴九頓首冀免父富人妻叱  
之出氏益憤呼天自裁既絕尸躍起血四射富人賄彌其事而釋

方老於獄

陸燕苗方烈婦詩序

楓橋袁森如妾韓氏年逾二十卽守節教子居竹柏樓十五年而卒

子又愷名廷禱請旌於朝又畫樓居圖志痛彭進士紹升為

之敘一時士大夫咏其事者如雲名霜哺遺音集

小倉山房詩話集互見藝文

補

汪氏長洲人汪天驥女潘宗述妻子歸時年十九未匝歲夫染沉疴

而歿氏痛不欲生絕粒三日翁姑婉諭乃始食後翁患中風常在牀蓐躬親調藥以進歷數年無間嘉慶七年 旌坊建豺回里嗣子奕芹

歷年旌表貞節補

馬守強妻王氏 以下二人見長志。年十八成婚家甚貧以女工

何依況我與汝相依為命氏謹守姑言力肩仰 沈純武妻顧氏 二年

十四守節遺孤二晝夜勤針黹以 陳古範妻余氏。王禹枚妻章

氏 建坊仁孝里。兩節婦康熙六十一 吳公御妻周氏 吳縣武山

歸吳越八月夫亡無子守節四十 諸生徐恪妻陸氏 以下五人見

略血籲天虔禱既卒事舅姑 潘焯繼妻陸氏 焯歿遺孤甫八歲氏

節三十年 旌 林載功妻王氏 夫歿孝事翁姑安葬兩世棺撫兩子

馬詠妻張氏 年二十一寡無子以女工孝養 張鑑妻吳氏 孝事太

姑所遺悉歸小姑夫亡後不御鉛華不赴 章 姪 志作章 妻馮氏 見

親族吉事守節二十六年雍正八年旌 志。姪吳縣諸生早歲能文歲甲子赴省試感疾卒時氏年二十

一子甫兩月氏孝事舅姑撫孤子世培未弱冠即能文母教也

○節李翰熙傳 蔡起夔妻姚氏 吳縣西洞庭人年二十九夫亡守

湖備 顧溱妾沈氏 見元志。夫故子本立五歲日訓以敬祖先孝

生子哀勸乃止卒以此成錮疾卒進 吳景章妻張氏。徐中道妻

士禮琥其後裔也雍正十三年旌 申玫妻錢氏 見元志。婚逾年夫故撫

元貧病死喪 姚士俊妻朱氏 東洞庭人見吳志。年二十一夫亡

備嘗艱苦 申熊占妻張氏 見元志。年二十一寡勤紡績以事舅姑嗣子朝

元年 姚名標妻顧氏。郭世芳妻周氏。童志學妻陸氏。以上三節婦亦

乾隆元年旌見 監生王瑄妻張氏。見長志。婚七月瑄亡事繼姑

得成立臨祭祀舉三喪罔不 蕭廷選妻沈氏。見府志元志。夫亡

盡禮族黨稱賢乾隆元年旌 吳縣西洞庭山人乾隆 諸生張杰

多病氏教養成 朱元龍妻蔡氏。三年旌見太湖備考

立乾隆二年旌 練市人年十六歸于張歸五月而夫卒無子家

妻陸氏。見吳志。赤貧紡績自給厥後嗣子日溥為名諸生母教也守節六

十六年乾 譚懷妻殷氏。乾隆三年旌見 陳在明妻吳氏 年二十四

隆三年旌 撫孤姪如己出營翁姑及夫喪葬能盡心力晚年茹 俞世瑄妻陸

氏。以下四人見元志。子達吳縣諸生有述母德詩中云母氏 朱

鼎妻沈氏。夫歿家貧氏晨梭暮績以養舅姑撫遺孤 陳學永妻袁

氏。夫故事繼姑孝撫孤子嚴家貧竭力營葬五棺夫 劉弈芳妻趙

氏。伯父無子以己子承重撫夫兄子女如己子女

侍翁疾數月不倦令長子炳曉夜禮斗以祈之翁臨終謂氏曰

願爾娶媳亦如爾後兩孫俱入泮。以上四人俱乾隆五年旌

龔汝秩妻徐氏。見吳長元志。守志四十四年夫之庶祖母金氏

祥守霍山一門殉義載明史氏每舉 馬龍蟠妻沈氏。以下二人見

以訓子其重名義如此乾隆六年旌 闕永受妻阮氏。年二十子

八夫故毀面截髮矢志苦守舅姑喪葬 歸舅姑前

事盡禮守節六十五年乾隆七年旌 張峙妻華氏。見長

孤幼舍忍撫之守節三十二年乾隆七年旌 吳學孝妻周氏。年

時以弱體勤讀卒時親老子幼氏以一身肩事撫任喪葬婚娶 潘

盡禮無愆翁起諧吳縣學生子長爾泰次爾康乾隆八年旌

嘉玉妻周氏。年二十二夫亡姑性嚴急氏婉容 吳學孝妻周氏 年

十三寡無子。以上二 王進思妻沈氏。年二十七夫亡

黃氏。年九夫亡 沈公遠妻王氏 年二十夫亡 葛洪濟妻黃氏 以上四節婦

氏子允升妻翁氏

以下二人見長志。君秀亡土氏終身未嘗有笑容舅姑生養死葬悉盡禮撫二子允文允升

既婚先後卒翁氏既寡與孀姑共處一室

婦兼子職。以上九人俱乾隆十一年旌。張載青妻施氏年二十

無子翁姑養生送死

皆出其力族黨嘉之。蔡王聘妻李氏見元志。夫沒撫嗣子爾鑑

二爾鑑夭氏曰吾一生辛勤付之逝水矣一

沈貞女吳縣武山沈彥臣女許字

慟而絕。節蔡方炳傳。乾隆十二年旌

夏紹儒未婚紹儒死女年十六越三年歸。鄧明琬妻蔣氏吳縣西

於夏食貧礪節鄉黨稱賢乾隆十二年旌

年二十三夫亡無子守節六十五年乾隆十三年旌。以上二人見太湖備考。丁綺園妻朱氏許天萃

妻曹氏。徐道光妻潘氏。高意寧妻王氏。

以上四節婦乾隆十三年旌。張某

聘妻汪氏貞女。

乾隆十六年旌。以上五節婦見長元節孝祠志。計國柱妻夏氏見元志

十九國柱沒時太舅姑年高子本立

吳宏道妻糜氏乾隆十九年旌見長元節

甫兩月氏事育盡善乾隆十八年旌

孝祠。陸元登妻吳氏見長志。年十九而寡遺腹子士許字馬明

志。龍賴十指撫育乾隆二十四年旌

剛蔣貞女

年十六未嫁夫沒守貞至七十六卒嗣子孝揚呈請旌表見甫里志

吳鵬妻過氏長志有

妻過氏萬程疑卽鵬之字也。氏年二十一夫沒以女工養舅姑遺孤蓮生殤撫姪世賢如已出乾隆四十三年旌見長元節孝祠

吳縣貢生潘兆科妾錢氏

守節三十一年乾隆四十六年旌建坊仙人塘。王上舍朝棟述

聖基妻陶氏

乾隆四十五年旌見冀關本支錄

鄒洛存聘妻施貞女元和人旌表

十九奔喪守志歷五十七年乾隆五十一旌。王上舍朝棟述

吳縣王明燦繼妻鍾氏二十九歲夫故

遺孤朝基纔三歲守節至八十二卒乾隆五十四年旌五十五年建坊於閭門外溪上

蔣璟辰妻章氏乾隆五十年

五年旌見冀關本支錄

陸藩妻黃氏葑溪家譜

未經旌表貞節補

張仰雲妻嚴氏

年二十七夫亡守節六十九年

傅龍淵妻石氏年二十七夫亡席

文瑜妻嚴氏

年二十夫亡守節三十八年

吳世達繼妻葉氏年二十一夫亡無子而貧苦節六十



五施懋才妻吳氏年二十一夫亡家貧無子苦節五年。以上五人在順治年間。席本淳妻姚

氏年二十九夫亡陳可立繼妻傅氏年二十夫亡撫遺腹沈調元

妻吳氏年二十四夫亡席本宗妻姜氏年三十夫亡守楊正己妻

周氏子智超妻劉氏周年二十四夫亡守節二十四年劉年二十

吳嘉慶妻施氏年三十夫旅死生員施廣譽妻宋氏年三十夫亡

沈爾正妻陸氏年二十三夫亡守節二十五年柳明卿妻葉氏年二十一夫旅死

席本浩妻殷氏年三十夫亡守節三十五年施恒廉妻盛氏年二十一夫旅死

翁焯時妻葛氏年三十夫亡食貧守志歷三十七年生員孔大文妻嚴氏年二十

夫亡守節施廣照妻吳氏年二十五夫亡守節四十四年鄭茂爵妻席氏年二十

匝月夫亡無子席永正妻葉氏年二十三夫亡守節四十四年顧正卿妻俞氏年

十八夫亡守節四十五年邱民俊妻趙氏年二十六夫亡翁天瀚繼妻鈕氏年

十二夫亡無子周元宰妻朱氏年二十六夫亡食貧守志徐履素妻

馬氏年二十八夫亡守節三十一年鄭登良妻席氏年二十九夫亡無席啟綱妻

陸氏年二十八夫亡食貧守志歷三十二年葉士源妻朱氏年二十七夫亡撫周歲

周大榮妻蔣氏年二十五夫亡守節四十二年周國元妻萬氏年二十六夫亡守

天采妻葉氏年二十七夫亡無子翁晉瑄妻席氏年二十三夫亡沈

公彥妻諸氏年二十四夫亡守節五十二年葉曾廣妻費氏年二十七夫亡朱繁

穎妻葉氏年二十三夫亡食貧守志歷二十七年翁時雍妻吳氏年十九夫亡撫遺

代孀姑喪葬盡禮王祚永妻金氏年二十七夫亡守節五十二年葉蒼瑞妻吳氏

年二十八夫亡守節十五年周懋功妻姜氏年二十三夫亡食貧周仁治妻席

氏年二十二夫亡 沈天培妻葛氏年二十九夫亡無子守節三十四年 周茂妻居氏年二十六寡無子而

貧苦節二十七 沈載揚妻許氏年二十八夫亡守節四十七年 吳寅賓妻席氏年二十五夫亡無子守節三十年 葉維采

妻王氏年二十八夫亡撫庶出子復早 吳永輔妻葉氏年二十二夫亡無子 翁堅妻金氏年二十二夫亡撫之守志歷四十年

守節五 朱雲夔妻吳氏年二十四夫亡遺孤甫生 翁堅妻金氏年二十二夫亡撫之守志歷四十年 翁堅妻金氏年二十二夫亡撫之守志歷四十年

十八夫亡守 陸壽祺妻許氏年二十八夫亡無子守節三十三年 鈕元章妻湯氏年二十九夫亡無子守節五十年

九夫亡無子守 周煦妻吳氏年二十五夫亡 金希仲妻周氏年二十夫亡無子守節五十七年 嚴履一妻翁氏年二十五夫亡無子守節五十七年

亡無子守節 曹旭生妻葉氏年二十五夫亡 嚴履一妻翁氏年二十五夫亡無子守節五十七年 葛國鏞妻

夫亡庶出子甫六月撫 席啟基妻鈕氏年二十四夫亡 葛國鏞妻 張氏年二十二夫亡 翁登春妻邱氏年三十夫亡守節五十二年

張氏年二十二夫亡 翁登春妻邱氏年三十夫亡守節五十二年 石啟璋妻姜氏年二十六夫亡 張一新妻朱氏年二十八夫亡無子守節三十五年 周玉址妻朱氏年十八夫亡無子而貧 翁士枚繼妻王氏年二十七夫亡無子 依嫡子存活守節二十五年 嚴宗翹妻張氏年二十六夫亡無子 鄭本寬妻吳氏年二十八夫亡守節二十六年 葛士翊妻夏氏年二十九夫亡 黃千頃妻朱氏年二十二夫亡 歷三十 陳之祺妻席氏年三十夫亡 葉士進妻席氏年二十九夫亡 孤皆天貧苦無倚常 張文錦妻周氏 婚彌月夫即行賈逾年病歸 不舉火歷四十七年 張文錦妻周氏 歿氏年十九無子守節四十年 張夢駿妻周氏年二十八夫亡食貧 嚴兆康繼妻鄭氏年十八夫亡守節二十五年 鄭啟曜妻張氏年二十九夫亡 葉德麟妻鄭氏年二十一夫亡守節五十二年 吳魯生妻嚴氏年二十四夫亡 顧天佑妻施氏年十九夫亡 葉揆琴妻周氏年二十七夫亡無子 張自榮妻卜氏年二十一夫亡家貧無子

守節四 王伯贊妻張氏 年二十九夫亡食貧 嚴維恪妻翁氏 年二十

夫亡家貧無子 周稼妻鄭氏 年二十九夫亡撫孤食貧孤復早亡

六 湯家緒妻施氏 年十九歸湯僅兩月夫亡無 慎子周妻蔣氏 年二十

十一夫亡守 周朝鼎妻席氏 年二十八夫亡 周宇衡妻翁氏 年二十

夫亡守節 葉亦如妻嚴氏 年二十五夫亡 朱德長妻慎氏 年二十

節四十一人 周濟人妻沈氏 年二十九夫亡 潘聖璋妻

周氏 年二十二夫亡無 張文駒妻吳氏 年二十一夫亡 葉來之妻

周氏 年二十三夫亡 朱天佑妻許氏 年二十七夫旅死無子姑欲

年 席有墉妻周氏 年十八夫亡撫遺腹 姚德侯妻施氏 年二十六

而貧守節 翁良鯨妻鈕氏 年二十二夫亡無 張文宿妻周氏 文宿

心疾氏克修婦道年二十三 施成龍妻馮氏 年二十六夫亡 施金

儀妻席氏 年二十七夫亡 石秉均妻劉氏 年二十九夫亡 吳國政

妻周氏 年二十九夫亡家世清貧苦節自勵訓 周景章妻吳氏 年

十一夫亡守 翁士豫妻嚴氏 年二十二夫亡撫三月 生員嚴兆名

繼妻吳氏 年二十五夫亡無出撫前妻 吳中立妻鈕氏 年十五子

病瘵氏侍奉湯藥者二載中立亡其姒諷令改適氏不 金元長妻

從因沮其嗣事越三十年而始得嗣孫苦節六十一年 吳氏 年二十九夫亡守節三十七年 葉禹生妻沈氏 年二十四夫

吳氏 年二十九夫亡守節三十七年 葉禹生妻沈氏 年二十四夫

五 葉其菁妻鄭氏 年二十九夫旅死家貧 金元炯妻席氏 年二十

無子嗣姪天民娶翁氏亦早寡姑媳矢志食貧苦節 以上三人

在乾隆年間 自張仰雲妻嚴氏至此凡一百九人俱東洞庭人

武生夏嘉言繼妻施氏 年十九夫亡無子而 生員葛承夏妻王氏

年二十二夫亡 葛國庠妻席氏 年二十二夫亡 吳益先妻陸氏 年  
 守節六十年 十七夫旅死無子而 吳定國妻許氏 年十七歸吳彌月夫即服賈  
 貧守節五十八年 吳之範繼妻顧氏 年十九夫旅死 葛國珍妻朱氏 年二十五夫亡  
 守節六十六年 葛國珍妻朱氏 年二十五夫亡 吳國玘妻葛氏 年二  
 在康熙年間 張嘉賓妻席氏 年二十九夫亡 吳國玘妻葛氏 年二  
 夫亡守節 吳國瑱妻萬氏 年二十二夫亡無子守節五十 席文彥  
 四十三年 妻金氏 年二十九夫亡 吳永壽妻韓氏 年二十八夫亡  
 吳氏 年二十九夫亡 周溥妻吳氏 年二十八夫亡 吳永懋妻金  
 氏 年二十七夫亡 吳定衍妻金氏 年二十九夫亡無子守節二  
 年間 自夏嘉言妻施氏至此 蔡完初妻沈氏 年二十六夫亡守節  
 凡十六節婦俱吳縣武山人 沈元功妻蔡氏 年二十七  
 卒 馬尙儒妻王氏 年二十四夫亡 沈元功妻蔡氏 年二十七

五十 秦愛臺妻何氏 年二十一夫亡 葛鳴國妻蔣氏 葛鳴臯妻黃  
 氏 葛鳴世妻秦氏 年二十四而寡守節六十二年 黃年二十九  
 三年里人稱 徐秉一妻屠氏 年二十一夫亡 蔡善任妾張氏 年二  
 為葛氏三節 善任亡守節 吳安所妻戚氏 年二十三夫亡撫遺腹子成立甫抱  
 五十三年 節六十 鳳君盛妻沈氏 年二十一夫亡無子 許字黃嘉鳳貞女 未婚  
 計至女泣稟于母易服奔喪時黃族無可嗣者乃乞堂弟孟庸撫  
 之後孟庸生二子女以父禎卿無子遂以孟庸歸宗繼父後而以  
 孟庸次子繼黃氏秦嘉 王景耀妻陶氏 年二十六夫亡辛勤撫孤  
 餘作貞孝女傳以志之 蔡孝維妻王氏 年十九夫亡孤文升誕未彌月氏事姑鞠子矢志  
 鄧良臣妻沈氏 年二十五夫亡撫育三孤 沈茂嘉妻蔡氏 年二十  
 無子守節 秦士淳妻沈氏 年二十二夫亡守節四十九 李文蔚妻  
 五十年 以上三人在雍正年間

蔡氏 年二十二夫旅死家故貧氏殫心事育子既授室而子媳借

年卒。自蔡完初妻沈氏至此 王瑞昭妻顧氏 吳縣長沙山人少

凡十八節婦俱吳縣西洞庭人 吳縣龍山人年十七歸金閨四月夫往楚逆父抵武

金某妻倪氏 昌病死氏盡賣其釵珥挈孤與同母兄至楚徧訪得

翁而扶其夫之棺以歸翁已老病氏織紉供甘旨無少 朱某妻葉

息太守陳公鵬年賦詩嘉之翁名仲元遺腹子名瞻 吳縣渡渚山人年二十五夫亡家貧撫孤瑞麟成立苦節四十

氏 餘年。自張仰雲妻嚴氏至此凡一百四十六人見太湖備考

鄭煒妻計氏 煒賈於燕業漸裕氏勸夫置祭田以贍族崇禎二年

卒 石受芝妻吳氏 年二十八而寡家貧 諸生周振鐸繼妻孫氏 夫

遺兩月孤吉人氏撫教有方振鐸本 王君斌妻楊氏 以女工撫遺

杭州諸生吉人奉母買於蘇因家焉 居苦節五十五年 貢生顧梓材妾薛

婚後天氏依 孫婿以終 夫歿氏年二十五無子正室性嚴厲氏每事順 沈騰龍妻趙氏

氏 受誓不再嫁正室故氏事夫之生母曲盡婦道 夫歿氏年三十

夷亭人年三十 嚴閑存妻顧氏 閑存遊幕山左卒氏率諸孤迎櫬

寡撫三子成立 氏苦節感之也 顧延燦繼妻羅氏 夫卒朔望竟夕籲天願減已算

子名實訓之嚴 見長志。夫遊粵歿時翁老子幼氏事育盡 王志

曾聘妻施貞女 志曾木瀆人聘施二年而歿時貞女年 徐奕芳妻

錢氏 夫故遺孤三歲稍長延 貢生徐兆鰲妻吳氏 夫亡三子幼忍

狀舅歿勉飭殯葬無闕 陳雲霄妻范氏。陳崙發妻林氏 年二十

事子筠鼎為名諸生 亦早寡氏事之謹姑 管雲為妻朱氏 吳縣人夫歿撫遺腹子 諸生

計李玉妻朱氏。諸生沈達妻許氏 苦節四十 錢杲繼妻湯氏 居

縣浦莊年二十六寡事 李在豐聘妻沈貞女 長洲 顧翰妻張氏 元

翁姑孝守節五十一 人與孀姑譚氏相依 孫璞繼妻沈氏 長洲 朱模妻陳氏 嫁二載寡

為命勤針黹工翰墨 長月浦乘 卷六 列女補 長

十勤紡績以養繼姑撫教翁韶九聘妻陸貞女年十四為養媳越

嗣子焯以積勞成疾卒日抱木主成婦禮于是鍵戶長齋戚屬罕贈奉政大夫繆之德妻

見其面家貧取給女工苦節三十九年吳縣張祖需妻

吳氏年二十四寡守節四十二年歸維雍妻丁氏吳縣張祖需妻

沈氏長洲人于歸時祖需已病瘡氏百計扶持踰年歿事李曾詒

妻黃氏舉人李繩媳年蔣學徹妻李氏年二十四夫亡黃德輝妻

顧氏年二十六夫亡周玉珍妾朱氏長洲陸聚昇妻沈氏年二十

節五十守節四十六年長洲諸生陸文彥聘妻郁貞女于歸有日夫卒女毀容截

修子職遂歸陸守貞事翁姑盡孝曾孫庾聘妻林貞女○監生夏晟妾朱氏生一

卒撫孤成立子歿又與陳懿玉妾沈氏懿玉卒無子以堂姪雲為

寡媳撫孫一生勤苦計廷璣妻潘氏長洲人沈文瑞妾毛氏長洲人張禹聲聘妻華貞女少

養媳未婚禹聲天女決意守貞家周思聲妻李氏○黃嶽齡聘妻

無次丁翁姑生養死葬皆賴其力徐貞女住吳縣光福鎮年十六朱星海妻陶氏年十九歸陶結褵

日卒比撫嗣子椿年婚一趙鑽妾張氏年二十守節撫嫡室三歲

載而天遂悒成疾卒王君彩妻夏氏年二十

後以勞苦金集成妻沈氏婚二載夫歿守孫彬臣妻

成癱疾卒節五十五陸天衡妻郁氏○鄭之銓妻李氏年二十九寡

節三年鄭氏夫亡撫子承瀛成張紹良妻黃氏許墅關人守馳贈登仕郎

蔣綏士繼妻金氏嫁五月寡家貧撫嗣子長洲諸生黃日文妻鈕

氏守節三十一夏文明妻葉氏年二十五寡無子夏貞女名淑瑛性好

母不王邦彥妻陳氏夫亡以紡績供翁姑甘旨營葬吳縣諸生李

廷謨聘妻吳貞女○錢履吉繼妻周氏年十九履吉歿氏事舅謹

養生送死無失禮父文郁

無子老年失明氏迎養終身訓子福謙有文譽補  
長洲諸生女一適韓敏敏工書法履吉父名襄  
吳漢雲妻金氏

年二十一夫故遺孤又蘇州府學諸生盛元鐸妻王氏  
孝廉瑩伯姊也元鐸

卒氏撫彌月孤紹趙伯虎聘妻李貞女  
長洲金墅人伯虎天氏歸趙守貞事舅以孝稱性喜

奉佛年四十九無疾而逝異香滿室○  
申翊會妻朱氏  
申氏蔡

鄭煒妻計氏至此凡六十八人見節孝祠志  
東洞庭王奕溶

丕顯妻胡氏胡賓侯女西洞庭人年二十八夫亡  
葉文龍妻吳氏  
婚未匝月夫客嘉

妻周氏婚八月夫亡氏年十九  
定尋死氏年十九

無子苦節周存德妻葉氏  
婚四日夫亡氏年二十守節二十六

庭人蔡泳志作  
挺妻朱氏  
見長志○夫歿無子斷髮自矢事姑以孝

邵仁洪妻章氏吳縣人年二十六夫亡越五月遺腹生子不育  
節錄蔡方炳

十年○以下三人長張秉衡妻吳氏  
吳縣人年二十九秉衡亡無

洲諸生邵景韓述子家素裕後極零落嫡出子

和若亦亡熒熒無依族中  
張和若妻宋氏  
和若秉衡子也氏年二

十八年監生錢裕妻俞氏  
吳縣浦莊人年二十五夫亡誓從死時方

而守之若女則以死繼之越二月生子士鉞稍長諄諄訓以孝友  
子亦善承母志守節三十九年六月十三卒時嘉慶二年至二十

年吳縣學博吳森給松相  
諸生俞六吉妻鄭氏  
夫亡姑老子幼氏

凌霜額入長元節孝祠  
志養姑訓子至  
六十七而終  
俞三英妻金氏  
夫亡氏年二十三無子孝事耄姑

俞貫辰妻許氏  
年二十七而寡事姑孝撫嗣子慈  
長洲丁觀國妻

嚴氏年十九夫亡守節五十餘  
管成考妻辛氏  
與孀姑趙同勵堅

年辛三十五年巡撫湯文  
張光宗妻王氏  
馬敬溪妻朱氏  
夫亡夫

正公旌其門曰柏舟遺範  
許定異繼妻徐氏  
龔文鎮妻鄭氏  
年二十一寡遺

人咸傷之孫  
且紡績以養舅姑  
龔永球妻王氏  
夫亡遺孤僅七月且赤

守節四十餘年  
黃芳蘭

妻李氏。許時雍妻朱氏。錢季舒妻陸氏。龔維藩妻張氏。

張道來妻施氏。許字郁鴻鶴王貞女。自二十歲守貞至七十八戴永傳妻李

氏。初婚而寡戴本以徽籍寓甫里氏鄧永觀妻朱氏。張融昭妻

俞氏。龔元興妻蔣氏。唯亭人顧爾揚妻陸氏。潘鐘妻顧氏。

顧時中妻朱氏。夫歿子天依夫弟時鴻以養唐殿揚妻嚴氏。夫亡子幼

翁志和繼沒家無寸積苦節四十三年李維一妻陳氏。許字王士宏潘貞女。許

字金某王貞女。未婚夫死守貞生平不出張萬言妻顧氏。胡士

芳妻朱氏。趙日升妻朱氏。康熙甲午督蠶李公顧天錫妻沈氏

。沈仁襄妻許氏。沈宗伯德潛贈顧士達妻孫氏。蔣慈觀妻金

氏。王天敘妻孫氏。李路南妻周氏。吳友璉妻孫氏。吳景

祿妻王氏。劉萬炳妻陸氏。許字戴明則吳貞女。許景魯妻

劉氏。歸一道妻吳氏。費錦妻徐氏。王王道妻許氏。平居水

衣百結食粗糲郁叙文妻顧氏。周文燦妻施氏。陳汝巒妻馬

氏。憲給節傲陳繼美妾山頭親娘。陸大來妻顧氏。楊安貞妻

韓氏。徐志孝妻安氏。蘇廣仁妻顧氏。廣仁唯祝世珍妻顧氏

。沈念蓼妻顧氏。陳漢文繼妻張氏。金士鵬妻邢氏。年二十

貧窶不堪志益堅徐公聲妻鄒氏。顧天倫妻歸氏。金元美妻

朱氏。家貧無子汪載仁妻羅氏。赤貧孤苦守徐蒼萊妻朱氏。唯

亭王觀光妻馬氏。氏儒家女嫻閨範夫亡撫教嗣子潤得為孝廉

額。施慶觀妻金氏。王全觀妻張氏。丁惠觀妻馮氏。諸生馬



濂妻吳氏。○國學生馬松齡妻王氏。松齡濂之姪也。周孝芬妻韓氏。○吳

三揖妻祝氏。○吳三友妻周氏。○元庠生韓躍龍妻蔣氏。夫故無遺產攜

其女依養母家鬻藥茹冰艱苦萬狀父名善友嗣子名炎馬佳敘妻馬氏。○管秀元妻翁氏。○

張惠觀妻許氏。○袁從志妾王氏。○張虞廷妻陳氏。○張肇美妻

顧氏。○李瑞章妻馬氏。○施武成妻顧氏。○許字嚴禹錡汪貞女

禹錡年十七病瘵卒氏赴喪守貞嬰疾卒年十九沈五觀妻李氏。○顧九思妻沈氏。○吳

茂文妻王氏。○徐紹宏妻吳氏。○顧仲雄妻凌氏。○張殿岳妻周

氏。○金允武妻潘氏。○吳世榮妻周氏。○萬良才繼妻夏氏。○周

茂之繼妻顧氏。○王潮宗妻顧氏。○胡佐義妾潘氏。○顧佑文妻

陸氏。○馬惠臣妻王氏。元和學博吳給松筠勁節額潘石泉妻陳氏。○周士思

妻吳氏。○李文觀妻喬氏。○邱耀文妻毛氏。○陸二觀妻蔡氏。○

徐士成妻邱氏。○周允昌妻葉氏。○李大成妻陸氏。○張宁聞妻

朱氏。○劉端臣妻顧氏。○許才觀妻俞氏。○顧洪卿妻蔣氏。○歸

儀吉繼妻陳氏。○陳雲霄妻沈氏。唯亭人夫亡家貧無子事孀姑紡績以供甘旨朱介眉

妻李氏。自辛氏至此凡一百有五陸謹妻宋氏。○陸璜妻蔣氏。○

陸飛龍妻金氏。○陸學禮妻朱氏。○陸煥曾妻張氏。五人見葑溪陸氏家譜

台州鹽課大使蔣禹疇妻唐氏。○蔣元臨妻莊氏。二人見葑溪關本支錄因果

巷徐靜思妻莊氏。二十九歲守節子潤徙香山墓在葑門外七圖

附錄

明高啓題陳節婦節婦姓孫郡人陳已久。志作可久之妻也已久客

死節婦守志其孫彥遜求題賦此

嬌兒笑語羅幃暮銀燭搖光夜香度狂風忽起海東頭吹

斷蘭州去時路去時豈惜千金軀煙濤竟沒珊瑚樹精衛寃深水更深身小天高向誰訴寂寞塵奩掩鏡光可憐不復照晨妝階前莫翦青青草生死終身不下堂堂中素幔空時祭賴有孤兒拜虛位白日哀思涕不乾夜枕還流夢中淚妾本孤桐斷作琴一絃只作一絃音逢人不奏鳳凰曲別鶴離鸞夜夜心

附女秀補

唐陸龜蒙妻蔣氏善屬文性嗜酒姊妹勸節飲強飯蔣應聲曰平生

偏好飲勞汝勸加餐但得尊中滿時光度不難僧知業有詩名與

魯望善一日訪陸談玄蔣使婢奉酒知業云受戒不飲蔣隔簾謂

曰上人詩云接岸橋通何處路倚樓人是阿誰家觀此風韻得不

飲乎知業慚而退

倦游錄。按聞奇錄作湖州參軍陸濛事蔣氏為凝之女知業為聖保寺僧

元洞庭劉氏夫葉正甫久客都門因寄衣侑以詩云情同牛女隔天

河又喜秋來得一過歲歲寄郎身上服絲絲是妾手中梭翦聲自

覺和腸斷線腳那能抵淚多長短只依先去樣不知肥瘦近如何

輟耕錄

明袁彤芳字履貞吳縣人參軍年女自稱廣寒仙客其九日詩云白

衣三徑少黃菊一籬疎

明詩綜

孟淑卿姑蘇人訓導澄之女有才辯工詩自以配不得志號曰荆山

居士嘗論宋朱淑貞詩曰作詩須脫胎化骨僧詩無香火氣乃佳

女子鉛粉亦然朱生故有俗氣李易安可與語耳為士林所稱篇

什甚富零落已多最傳者數篇悼亡詩云斑斑羅袖濕啼痕深恨

無香使返魂 荳蔻花開人不見 一簾明月伴黃昏 又春歸云落盡

棠梨水拍堤 萋萋芳草望中迷 無情最是枝頭鳥 不管人愁只管

啼 又長信秋詞末韻云君意一如秋節序 不教芳草得長春 冬詞

末韻云雙蛾爭似庭前柳 臘盡春來又放舒 直欲與文姬羽仙輩

爭長 異林。按明詩 緣有題畫五絕

湯氏素晚 字雅卿 大都吳嘯雲中饋也 僑寓吳中 以避風鶴之驚 畫

軫文楸 藉以永日 偶爾點筆 輒亦悲艷 □□

國朝徐燦 字湘蘋 一字明深 號紫管 吳縣人 海寧陳相國之遴之夫

人也 善屬文 工書翰 詩餘得北宋風格 善寫大士像及宮粧美人

筆法古秀 衣紋如葦 設色特淡 大得北宋人傳染意之遴官至宏

文院大學士 順治十年 以賄結內監 吳良輔革職 流徙 夫人亦在

遣中 欽定二臣傳圖繪 寶鑑續編林下詞選

王道蘊 吳人能詩 一日詣尼菴 見二尼刺繡 因集唐句贈之 堅瓠集

方潔 別裁集 作京 字采林 九谷先生殿元次女 適金蘊 亭學博 名縉字絲 五著有蘊

亭詩 能守九谷詩學 切理厭情 不求工于對偶 聲律間子貴 臬祖

靜刻其采林詩稿一卷 又九谷長女歸金文學 亦能詩 歸愚文集 祖靜

字安安 攻書法 能詩 著有天天小草 配楊夫人 名珊珊 字佩聲 山

陰楊賓女 亦攻詩 有佩聲詩稿一卷

蔡含 字女蘿 吳縣人 如臯 冒辟疆姬也 生而茹素 性慧 順好畫 兼工

山水 花鳥 蟲魚 長于臨摹 嘗作松圖 巨障 辟疆作長歌 題其上 一

時名流和之又爲黑鳳圖題者甚衆俱刻入同人集

國朝畫徵錄

韓韞玉長洲人文懿公季女富平令顧祖望室沈尚書德潛云少讀

羣書兼工詞翰年三十時著述已富病沒前盡取焚之不欲以文

采見也袁太史枚云寸草軒詩集十一首風雅可誦咏鶴七言律

採入別裁集中

薛瓊字素儀長洲人無錫詩人李崧繼室讀其寒食一首想見清士

家風詩云三旬九食吾家事不獨今朝是禁烟

顧英字若憲長洲人印江知縣張之頊室蕭然四壁藥房蘿屋間時

聞誦詩讀書聲遠近稱女學士

之頊字笠亭

錢紱惠吳縣人太史中諧女武平令許廷鏞室廷鏞以詩鳴吳中今

之魯靈光也紱惠亦高風格趨步唐音女孟昭字景班孫女楚晚  
皆能詩不減謝家之秀

張藻字子湘吳門女秀顧若憲之女太倉畢尙書沅之母夫人也沅

出撫陝西母夫人受封極品考終官署乾隆庚子 上南巡江浙

沅居憂里門謁於 行在具陳母氏賢行 上賜經訓克家四字

因建樓於靈巖別業以奉 宸章當世榮之有培遠堂詩集行世

長洲女子陶慶餘嫁御史彭希洛年二十二而亡有瓊樓吟行世咏

鸚鵡云一夢喚回唐社稷千秋畱得漢文章

吳中崔景儼娶婦莊素馨能詩早卒著有蒙楚閣遺草洪稚存爲志

墓云景儼感逝旣殷傷心屢賦十二時之內欲廢黃昏三百篇之

中竟刪蒙楚彭希涑孝廉之妻顧蘊玉亦能詩早卒舟行云鳥啼

知月上犬吠報村來

以上三條隨園詩話。隨園女弟子詩一編吳門閨秀居多其中不無褒貶不足徵也

陳奇芳字蘭佩吳縣人舉人時敷五室攻詩兼善制義設幔講學有

宣文宋氏之風

國朝別裁集。別裁集中女秀又有長洲吳琪吳綃熊湄宋凌雲吳縣金氏張凌仙。敷五乾隆

十五年舉人見長洲志

沈淑孫吳縣人御史芝光先生孫女也父母早卒鞠于祖母祖母楊

文叔先生妹也諱芬字瑤季工詩文畫花草尤工故淑孫亦習辭

翰善渲染幼許子姪汝備未嫁而卒初病時自知不起畫一卷緘

封甚固恒置枕函邊至是發之乃雨蘭一幅上題曰獨坐寫幽蘭

圖成只自看憐渠空谷裡風雨不勝寒

紀昀槐西雜志

顧慧字靜生號涵蟾適長洲諸生韓煦生而聰穎讀書過目不忘能

詩尤工書法力摹唐碑秀勁無女子氣所著有繡餘吟鈔


吳門補乘卷六

吳門補乘卷六

女秀補

吳門初集

吳門初集卷六



天保辛卯

